


詩所

四言古詩

| | | | |
|------|---|---|---|
| 漢書門類 | | | |
| 一 | 一 | 一 | 一 |
| 二 | 八 | 一 | 七 |
| 四 | 四 | 〇 | 七 |
| 冊 | 架 | 函 | 號 |



| | | | |
|------|---|---|---|
| 內閣文庫 | | | |
| 三 | 一 | | 漢 |
| 九 | 一 | | 書 |
| 冊 | 一 | | |
| 一 | 二 | 一 | |
| 七 | 四 | 七 | |
| 架 | 冊 | 號 | 類 |

十五

| | | | |
|------|----------|-------|--|
| 內閣文庫 | | | |
| 番號 | 漢 | 11117 | |
| 冊數 | 24 (12) | | |
| 函號 | 319 | 128 | |



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



詩所第十五卷

四言古詩

漢 詩草文庫

諷諫詩

詩孟

肅肅我祖國自豕常黼衣朱紱四牡龍旂彤弓斯征撫
 寧遐荒總齊羣邦以翼大商迭彼大彭勳績惟光至于
 有周歷世會同王赧聽譖實絕我邦我邦既絕厥政斯
 逸賞罰之行非繇王室庶尹羣后靡扶靡衛五服崩離
 宗周以墜我祖斯微遷于彭城在予小子勤諉厥生阨
 此嫚秦耒耜斯耕悠悠嫚秦上天不寧乃眷南顧授漢
 于京於赫有漢四方是征靡適不懷萬國攸平乃命厥

弟建侯于楚俾我小臣惟傳是輔矜矜元王泰儉靜一
惠此黎民納彼輔弼享國漸世垂烈于後迺及夷王克
奉厥緒一作咨命不永惟王統祀左右陪臣斯惟皇士
如何我王不思守保不惟履冰以繼祖考邦事是廢逸
游是娛犬馬悠悠是放是驅務此鳥獸忽此稼苗烝民
呂匱我王以媮所弘匪德所親匪俊唯囿是恢唯諛是
信踰踰諂夫諤諤黃髮如何我王曾不是察既藐下臣
追欲縱逸媮彼顯祖輕此削黜嗟嗟我王漢之睦親曾
不夙夜以休令聞穆穆天子照臨一作臨爾下土明明羣司
執憲靡顧正遐由近殆其怙茲一作嗟嗟我王曷不斯

思匪思匪監嗣其罔則彌彌其逸及岌其國致冰匪霜
致墜匪媮瞻惟我王時一作靡不練興國救顛孰違悔
過追思黃髮秦繆以霸歲月其徂年其逮耆於赫君子
庶顯于後我王如何曾不斯覽黃髮不近胡不時鑿

在鄒詩

微微小子既耆且陋豈不牽位穢我王朝玉朝肅清唯
俊之庭顧瞻余躬懼穢此征我之退征請于天子天子
我恤矜我髮齒赫赫天子明哲且仁懸車之義以洎小
臣嗟我小子豈不懷土庶我王寤越遷于魯既去禰祖
惟懷惟顧祁祁我徒戴負盈路爰戾于鄒鬻茅作堂我

四言詩 卷十五
從一作徒我環築室于牆我既遷逝心存我舊夢我瀆上
立于王朝其夢如何夢爭王室其爭如何夢我王弼寤
其外邦歎其喟然念我祖考泣涕其漣微微老夫咨既
遷絕洋洋仲尼視我遺烈濟濟鄒魯禮義唯恭誦習絃
歌于異他邦我雖鄙耆心其好而我徒侃爾樂亦在而

誠子詩

東方朔

明者處世莫尚于中優哉游哉於道相從首陽爲拙柳
惠爲工飽食安步以仕代農依隱玩世詭時不逢才盡
身危好名得華有羣累生孤貴失和遺餘不匱自盡無
多聖人之道一龍一蛇形見神藏與物變化隨時之宜

無有常家

自劾詩

常玄成

赫矣我祖侯于豕韋賜命建伯有殷以綏厥績既昭車
服有常朝宗商邑四牡翔翔德之令顯慶流于裔宗周
至漢羣后歷世肅肅楚傅輔翼元夷厥駟有庸惟慎惟
祇嗣王孔佚越遷于鄒五世壙僚至我節侯維我節侯
顯德遐聞左右昭宣五品以訓既耆致位惟懿惟貞厥
賜祁祁百金洎館國彼扶陽在京之東惟帝是留政謀
是從繹繹六轡是列是理威儀濟濟朝享天子天子穆
穆是宗是師四方遐邇觀國之輝茅土之繼在我俊兄

惟我俊兄是讓是形於休厥德於赫有聲致我小子越
留於京惟我小子不肅會同媾彼車服黜此附庸赫赫
顯爵自我隊之微微附庸自我招之誰能忍媿寄之我
顏誰將遐征從之夷蠻於赫三事匪俊匪作於蔑小子
終焉其度誰謂華高企其齊而誰謂德難厲其庶而嗟
我小子于貳其尤隊彼令聲申此擇辭四方羣后我監
我視威儀車服唯肅是履

戒子孫詩

於肅君子既令厥儀一作儀德服此溫恭棣棣其則咨予小
子既德靡逮曾是車服荒嫚以隊明明天子俊德烈烈

不遂我遺恤我九列我既茲恤惟夙惟夜畏忌是申供
事靡惰天子我鑒登我三事顧我傷隊爵復我舊我既
此登望我舊階先后茲度漣漣孔懷司直御事我熙我
盛羣公百僚我嘉我慶于異卿士非同我心三事惟艱
莫我肯矜赫赫三事力雖此畢非我所度退其罔日昔
我之隊畏不此居今我度茲戚戚其懼唯一作嗟我後人
命其靡常靖共爾位瞻仰靡荒慎爾會同戒爾車服無
媾爾儀以保爾域爾無我視不慎不整我之此復惟祿
之幸於戲後人惟肅惟栗無忝顯位以蕃漢室

迪志詩

傅毅

咨爾庶士迨時斯勗日月逾邁豈云旋復哀我經營營
力靡及在茲弱冠靡所樹立於赫我祖顯于殷國貳迹
阿衡克光其則武丁興商伊宗皇士爰作股肱萬邦是
紀奕世載德迄我顯考保膺淑懿續修其道漢之中葉
俊乂式序秩彼殷宗光此勳緒伊余小子穢陋靡逮懼
我世烈自茲以墜誰能革濁清我濯漑誰能昭闇啓我
童昧先人有訓我訊我誥訓我嘉務誨我博學爰率朋
友尋此舊則契闊夙夜庶不懈忒秩秩大猷紀綱庶式
匪勤匪昭匪壹匪測農夫不怠越有黍稷誰能云作考
之居息二事敗業多疾我力如彼遵衢則罔所極二志

靡成聿勞我心如彼兼聽則溷於音於戲君子無恒自
逸徂年如流鮮茲暇日行邁屢稅胡能有迄密勿朝夕
聿同始卒

與劉伯宗絕交詩

朱穆

北山有鴟不潔其翼飛不正向寢不定息饑則木攬飽
則泥伏饕餮貪汚臭腐是食填腸滿膝嗜欲無極長鳴
呼鳳謂鳳無德鳳之所趨與子異域永從此訣各自努
力

答客詩

桓麟

邈矣甘羅超等絕倫伊彼楊烏命世稱賢嗟予蠢弱殊

才偉年仰慙二子俯媿過言

客示桓麟詩

亡名氏

甘羅十二楊烏九齡昔有二子今在桓生

答對元式

蔡邕

伊余有行爰戾茲邦先進博學同類率從濟濟羣彥如雲如龍君子博文貽我德音辭之集矣穆如清風

答卜元嗣

斌斌碩人貽我以文辱此休辭非余所希敢不酬答賦誦以歸

述志詩

仲長統

飛鳥遺跡蟬蛻亡殼騰蛇棄鱗神龍喪角至人能變達士拔俗乘雲無轡騁風無足垂露成幃張霄成幄沉瀛當餐九陽代燭恒星豔珠朝霞潤玉六合之內恣心所欲人事可遺何為局促

大道雖夷見幾者寡任意無非適物無可古來繚一作繞

繞委曲如瑣百慮何為至要在我寄愁天上埋憂地下

叛散五經滅棄風雅百家雜碎請用從火抗志山樓一作

西游心海左元氣為舟微風為柁翱翔太清縱意容冶

一云春雲為馬秋風為駟按之不遲勞之不疾

離合作郡姓名字詩

孔融

漁父屈節水潛匿方

離魚字

與昔進止出行施張

離日字合成魯

呂公磯釣闔口渭傍

離口字

九域有聖無土不王

離或字合成國

好是正直女回于匡

離子字

海外有截隼逝鷹揚

合成孔

翮將奮羽儀未彰

離高字

蛇龍之蟄俾也可忘

離更字合成融

璇隱曜美玉韶光

離玉字成文

無名無譽放言深藏

離與字

轡安行誰謂路長

離才字合成舉

述昏詩 二章

秦嘉

羣祥既集二姓交歡敬茲新昏六禮不愆羔鴈總備玉帛
芟芟君子將事威儀孔閒猗兮容兮穆矣其言
紛彼婚媾禍福之由衛女興齊褒姒滅周戰戰兢兢懼

德不仇神啓其吉果獲令攸我之愛矣荷天之休

贈婦

曖曖白日引曜西傾啾啾雞雀羣飛赴楹皎皎明月煌煌
列星嚴霜悽愴飛雪覆庭寂寂獨居寥寥空室飄飄
桂帳熒熒華燭爾不是居帷帳何施爾不是照華燭何
為

植杖詩

陳留老父

龍不隱鱗鳳不藏羽網羅高懸去將安所

魏

黎陽作 二首

文帝

四言古詩 卷一
朝發鄴城夕宿韓陵霖雨載塗輿人困窮載馳載驅沐
雨櫛風舍我高殿何爲泥中在昔周武爰暨公旦載主
而征救民塗炭彼此一時唯天所讚我獨何人餘不靖
亂
殷殷其雷濛濛其雨我徒我車涉此艱阻遵彼洹湄言
刈其楚班之中路塗潦是御鱗鱗大車載低載昂嗷嗷
僕夫載仆載僵蒙塗冒雨沾衣濡裳

朔風詩

五章

陳思王植

仰彼朔風用懷魏都願騁代馬倏忽北徂凱風永巨且
彼蠻方願隨越鳥翻飛南翔

四氣代謝懸景運周別如俯仰脫若二秋昔我初遷朱
華未晞今我旋止素雪云飛

俯降千仞仰登天阻風飄蓬飛載離寒暑千仞易陟天
阻可越昔我同袍今永乖別

子好芳草豈忘爾貽繁華將茂秋霜悴之君不垂眷豈
云其誠秋蘭可喻桂樹冬榮

絃歌蕩思誰與銷憂臨川慕思何爲泛舟豈無和樂游
非我隣誰忘泛舟愧無榜人

矯志詩

芝桂雖芳

一作芳樹雖香

難以餌烹尸位素餐難以成名磁石

引鐵於金不連大朝舉士愚不聞焉抱壁塗乞無為貴
 寶履仁邁禍無為貴道鴛雛遠害不羞卑棲靈虬避難
 不耻污泥都蔗雖甘杖之必折巧言雖美用之必滅濟
 濟唐朝萬邦作乎 逢蒙雖巧必得良弓聖賢一作主雖
 知必得一作亦待英雄螳螂見歎齊士輕戰越王軾蛙國以
 死獻道遠知驥世偽知賢覆之幬之順天之矩澤如凱
 風惠如時雨口為禁闔舌為發機門機之闔楛矢不追

應詔詩

二首第二首 一云元會詩

肅承明詔應會皇都星陳夙駕秣馬脂車命彼掌徒肅
 我征旅朝發鸞臺夕宿蘭渚芒芒原隰祁祁士女經彼

公田樂我稷黍爰有樛木重陰匪息雖有餽糧饑不違
 食望城不過面邑不游僕夫警策平路是由玄駟藹藹
 揚鑣漂沫流風翼衡輕雲承蓋涉澗之濱緣山之隈遵
 彼河澣黃坂是階西躋關谷或降或升駢駿倦路載寢
 載興將朝聖皇匪敢晏寧弭節長驚指日遄征前驅舉
 燧後乘抗旌輪不輟運鑿無廢聲爰暨帝室稅此西墉
 嘉詔未賜朝覲莫從仰瞻城闕俯惟闕庭長懷永慕憂
 心如醒

初歲元祚吉日惟良乃為嘉會宴此高堂

一有尊卑列叙典而有章

二衣裳鮮潔黼黻玄黃

一有清醑盈爵中坐騰光二句

珍膳雜遘克溢

圓方

一有笙磬既設琴瑟俱張悲歌厲響咀嚼清商四句

俯視文軒仰瞻華梁願

保茲善

一作喜

千載為常歡笑盡娛樂哉未央皇室

一作家

榮貴壽考無疆

一云壽若東王

上責躬詩

於穆顯考時惟武皇受命于天寧濟四方朱旗所拂九
土披攘玄化滂流荒服來王超商越周與唐比蹤篤生
我皇奕世載聰武則肅烈文則時雍受禪于一作炎漢君
臨萬邦萬邦既化率由舊則廣命懿親以藩王國帝曰
爾侯君茲青土奄有海濱方周于魯車服有輝旗章有
叙濟濟雋乂我弼我輔伊予小子恃寵驕盈舉挂時網

動亂國經作藩作屏先軌是隳傲我皇使犯我朝儀國

有典刑我削我紕

一作黜

將寘于理元兇是率明明天子

時惟篤類

一作時篤同類

不忍我刑暴之朝肆違彼執憲哀予

小臣

一作子

改封兗邑于河之濱股肱弗置有君無臣荒

淫之闕誰弼予身斃斃僕夫于彼冀方嗟予小子乃罹

斯殃赫赫天子恩不遺物冠我玄冕要我朱紱光光大

一作天

使我榮我華剖符授玉

一作土

王爵是加仰齒金璽

俯執聖策皇恩過隆祗承休惕咨我小子頑兇是嬰逝

慙陵墓存愧闕庭匪敢傲德實恩是恃威靈改加足以

沒齒昊天罔極生

一作性

命不圖常懼顛沛抱罪黃墟願

四言詩 卷十五
蒙矢石建旗東嶽庶立毫釐微功自贖危軀授命知足
免戾甘赴江湘奮戈吳越天啓其衷得會京畿遲奉聖
顏如渴如饑心之云慕愴矣其悲天高聽卑皇宵照微
閨情
有美一人被服織羅妖姿艷麗芬若春華紅顏譁擘雲
髻差我彈琴撫節爲我絃歌清濁齊均旣亮且和取樂
今日遑恤其他

妬詩

嗟爾同衾曾不是志寧彼冶容安此妬忌

彌醜詩

平落冥冥與道相駮隱然長寢其樂無踰

思親詩

爲潘文則作

王粲

穆穆顯

一作皇

妣德音徽止思齊先姑志侔姜妣躬此勞

瘁鞠予小子小子之生遭世罔寧烈考勤時從之于征
奄邁不造殷憂是嬰咨于靡及退守桃衽五服荒離四
國分爭禍難斯逼救死于頸嗟我懷歸弗克弗逞聖善
獨勞莫慰其情春秋代逝于茲九齡緬彼行路焉託予
誠予誠旣否委之于天庶我顯一作酬妣克保遐年豐豐
惟懼心乎如懸如何不弔早世徂顛於存弗養於後弗
臨遺愆在體慘痛切心形景尸立魂爽飛沈在昔蓼莪

哀有餘音我之此譬憂其獨深胡寧視息以濟于今巖
巖叢險則不可摧仰瞻歸雲俯聆飄回飛焉靡翼超焉
靡階思若流波情似坻頽詩之作矣情以告哀

贈蔡子篤

翼翼飛鸞載飛載東我友云徂言戾舊邦舫舟翩翩以
泝大江蔚矣荒塗時行靡通慨我懷慕君子所同悠悠
世路亂離多阻濟岱江行邈焉異處風流雲散一別如
雨人生實難願其弗與瞻望遐路允企伊佇烈烈冬日
肅肅初寒潛鱗在淵歸鴈在軒苟非鴻鵬孰能飛翻雖
則追慕予思罔宣瞻望東路慘愴增歎率彼江流爰逝

靡期君子信誓不遷于時及子同寮生死固之何以贈
行言授斯詩中心孔悼涕淚漣洏嗟爾君子如何勿思

贈士孫文始

天降喪亂靡國不夷我暨我友自彼京師宗守江表起
用遁違遷于荆楚在漳之涖在漳之湄亦克異處和通
簾壘比德車輔既度禮義卒獲笑語庶茲永日無讟厥
緒雖曰無讟時不我已同心離事乃有逝止橫此大江
淹彼南汜我思弗及載坐載起惟彼南汜君子居之悠
悠我心薄言慕之人亦有言靡日不思矧伊嫵婉胡不
悽而晨風夕逝託與之期瞻仰王室慨其永歎良人在

外誰佐天官四國方阻俾爾歸藩爾之歸藩作式下國
無日蠻裔不虔汝德慎爾所主率由嘉則龍雖勿用志
亦靡忒悠悠澹澹鬱彼唐林雖則同域邈其迥一作深
白駒遠志古人所箴允矣君子不遐厥心既往既來無
密爾音

贈文叔良

翩翩者鴻率彼江濱君子于征爰聘西隣臨此洪渚伊
思梁岷爾行孔邈如何勿勤君子敬始慎爾所主謀言
必賢錯說申輔延陵有作僑盼是與先民遺跡來世之
矩既慎爾主亦迺知幾探情以華覩著知微視明聽聰

靡事不惟董褐荷名胡寧不師衆不可蓋無尚我言梧
宮致辯齊楚構患成功有要在衆思歡人之多忌掩之
實難瞻彼黑水滔滔其流江漢有卷允來厥休二邦若
否職汝之由緬彼行人鮮克弗留尚哉君子異于他仇
人誰不勤無厚我憂惟詩作贈敢詠在舟

報趙淑麗

一作報趙叔嚴

應瑒

朝雲不歸夕結成陰離羣猶疑作獨宿永思長吟有鳥孤
棲哀鳴北林嗟我懷矣感物傷心

遠戍勸戒詩

繁欽

肅將王事集此揚土凡我同盟既文既武郁郁桓桓有

規有矩務在和光同塵共垢各竟其心爲國蕃輔間間
行行一作術術非法不語可否相濟闕則云補

贈梅公明

瞻我北園有條者桑邁此春景既茂且長氤氳吐葉柔
潤有光黃條蔓衍青鳥來翔日月其邁時不可忘公子
瞻旃勳名乃彰

答贈詩

邯鄲淳

我受上命來隨臨苗與君子處曾未盈期見辱本朝駕
言趣期羣子重離首命于時餞我路隅贈我嘉辭既受
德音敢不答之余惟薄德既局且鄙見養賢廢於今四

祀既庇西伯永誓沒齒今也被命義在不俟瞻戀我侯
又慕君子行道遲遲體逝情止豈無好爵懼不我與聖
主受命千載一遇攀龍附鳳必在初舉行矣去矣別易
會難自強不息人誰獲安願子大夫勉簣成山天休方
至萬福爾臻

贈傅休奕

二首

程曉

煢煢獨夫寂寂靜處酒不盈觴肴不掩俎厥客伊何許
由巢父厥醴伊何玄酒瓠脯

三光飛景玉衡代邁龍集甲子四時成歲權輿授代徐
陳蕩穢元服初嘉萬福咸會赫赫應門嚴嚴朱闕羣后

揚揚庭燎晷晷

答弟叔夜

嵇喜

飾車駐駟駕言出遊南厲伊渚北登邱丘青林華茂青
鳥羣嬉感悟長懷能不永思永思伊何思齊大儀凌雲
輕邁託身靈螭遙集芝圃釋轡華池華木夜光沙棠離
離俯漱神泉仰噉璫枝結心皓素終始不虧

襍詩

嵇康

微風清扇雲氣四除皎皎亮月麗于高隅與命公子攜
手同車龍驥翼翼揚鑣踟躕肅肅宵征造我友廬光燈
吐輝華幔長舒鸞觴酌醴神鼎烹魚絃超子野歎過綿

駒流詠太素俯讚玄虛孰克英賢與爾剖符

幽憤詩

嗟余薄祜少遭不造哀笑靡識越在緇綵母兄鞠育有
慈無威恃愛肆姐不訓不師爰及冠帶憑寵自放抗心
希古任其所尚託好老莊賤物貴身志在守樸養素全
真曰余不敏好善聞人子玉之敗屢增惟塵大人含弘
藏垢懷耻民之多僻政不由已惟此褊心顯明臧否感
悟思愆怛若創痛欲寡其過謫議沸騰性不傷物頻致
怨憎昔慙柳一作惠今愧孫登內負宿心外慝良朋仰
慕巖鄭樂道閒居與世無營神氣晏如咨予不淑嬰累

四言詩 卷十五 十五
多虞匪降自天寔由頑疎理弊患結卒致囹圄對答鄙
訊繫此幽阻實耻訟寃一作絕時不我與雖曰義直神辱
志沮澡身滄浪豈云能補嗃嗃鳴鴈奮翼北遊順時而
動得意忘憂嗟我憤歎曾莫能儔事與願違邁茲淹留
窮達有命亦又何求古人有言善莫近名奉時恭默咎
悔不生萬石周慎安親保榮世務紛紜祇攪予情安樂
必誠乃終利貞煌煌靈芝一年三秀予獨何爲有志不
就懲難思復心焉內疚庶曷將來無馨無臭采薇山阿
散髮嘯岫永嘯長吟頤性養壽

酒會詩 六首

淡淡流水淪胥而逝汎汎栢舟載浮載滯微嘯清風鼓
檝容裔放櫂投竿優游卒歲

婉彼鴛鴦戢翼而遊俯啜綠藻託身洪流朝翔素瀨夕
棲靈洲搖蕩清波與之沈浮

流詠蘭池和聲激朗操縵清商遊心大象傾昧修身惠
音遺響鍾期不存我志誰賞

歛絃散思遊釣九淵重流千仞惑餌者懸猗與莊老棲
遲永年寔惟龍化蕩志浩然

蕭蕭冬風分生江湄却背華林俯泝丹坻含陽吐英履
霜不衰嗟我殊觀百卉具腓心之憂矣孰識玄機

猗猗蘭藹殖彼中原綠葉幽茂麗葢穠繁馥馥蕙芳順
風而宣將御椒房吐薰龍軒瞻彼秋草悵矣惟騫

贈秀才入軍

一作兄秀才公穆入軍贈詩十八首

鴛鴦于飛蕭蕭其羽朝遊高原夕宿蘭渚邕邕和鳴顧
眄儔侶俛仰慷慨優游容與

鴛鴦于飛嘯侶命儔朝游高原夕宿中洲交頸振翼容
與清流咀嚼蘭蕙俛仰優游

泳彼長川言息其漘陟彼高岡言刈其楚嗟我征邁獨
行踽踽仰彼凱風涕泣如雨

泳彼長川言息其漘陟彼高岡言刈其杞嗟我獨征靡
瞻靡恃仰彼凱風載坐載起

穆穆惠風扇彼輕塵奕奕素波轉此遊鱗伊我之勞有
懷佳人寤言永思寔鍾所親

所親安在舍我遠邁弃此蓀芷襲彼蕭艾雖曰幽深豈
無顛沛言念君子不遐有害

人生壽促天地長久百年之期孰云其壽思欲登仙以
濟不朽攬轡踟躕仰顧我友

我友焉之隔茲山岡誰謂河廣一葦可航徒恨永離逝
彼路長瞻仰弗及徙倚彷徨

良馬旣閑麗服有暉左攬繁弱右接忘歸風馳電逝躡

景追飛凌厲中原顧盼生姿

攜我好仇載我輕車南凌長阜北厲清渠仰落驚鴻俯

引淵魚盤于游田其樂只且

凌高遠盼俯仰咨嗟然彼幽繫邈爾路遐雖有好音誰

與清歌雖有姝顏誰與發華仰訊高雲俯託輕波乘流

遠遁抱恨山阿

輕車迅邁息彼長林春木載榮布葉垂陰習習谷風吹

我素琴交交黃鳥顧儔弄音感悟一作馳情思我所欽

心之憂矣永嘯長吟

浩浩洪流帶我邦畿萋萋綠林奮榮揚暉魚龍澆潯山

鳥羣飛駕言出遊日夕忘歸思我良朋如渴如饑願言

不獲愴矣其悲

息徒蘭圃秣馬華山流磻平臯垂綸長川日送歸鴻手

揮五絃俯仰自得游心太玄嘉彼釣叟得魚忘筮郢人

逝矣誰與盡言

閒夜肅清朗月照軒微風動袿組帳高寒旨酒盈樽莫

與交歡鳴琴在御誰與鼓彈仰慕同趣其馨若蘭佳人

不存能不永歎

乘風高遊遠登靈丘託好松喬攜手俱游朝發太華夕

宿神州彈琴詠詩聊以忘憂

琴詩自樂遠遊可珍含道獨往弃智遺身寂乎無累何
求於人長寄靈嶽怡志養神

流俗難悟逐物不還至人遠鑒歸之自然萬物爲一四
海同宅與彼共之予何所惜生若浮寄暫見忽終世故
紛紜棄之八成澤雉雖饑不願園林安能服御勞形苦
心身貴名賤榮辱何在貴得肆志縱心無悔

詠懷詩 三首

阮籍

天地網緼元精代序清陽曜靈和風容與明日映天甘
露被宇翦鬱高松猗那長楚草蟲鳴鶴鷄振羽感時
興思企首延佇於赫帝朝伊衡作輔才非允文器非經

武適彼沅湘託分漁父優哉游哉爰居爰處

月明星稀天高氣寒桂旗翠旌珮玉鳴鸞濯纓醴泉被
服蕙蘭思從二女適彼湘沅靈幽聽微一作誰觀玉顏

灼灼春華綠葉含丹日月逝矣惜爾華繁

清風蕭蕭修夜漫漫嘯歌傷懷獨寐寤言臨觴拊膺對
食忘餐世無萱草令我哀歎鳴鳥求友谷風刺愆重華
登庸帝命凱元鮑子傾蓋仲父佐桓回濱嗟虞敢不希
顏志存明規匪慕彈冠我心伊何其芳若蘭

贈稽康 四首

郭遐叔

每念邁會惟日不足昕往宵歸常苦其速歡接無厭如

四言古詩 卷十五 十一
川赴谷如何忽爾將適他俗言駕有日中車命僕思念
君子溫其如玉心之憂矣視丹如綠

如何忽爾超將遠遊情以休惕惟思惟憂展轉反側寤
寐追求馳情運想神往形留心之憂矣增其勞愁

不見可欲使心不亂譬彼造化抗無崖畔封疆畫界事

利任難唯予與子鮮一作籍不同貫交重情親欲面無算

如何忽爾時適他館明發不寐耿耿極旦心之憂矣增

其憤怨

天地悠長人生若忽苟非知命安保旦夕思與君子窮
年卒歲優哉逍遙幸無隕越如何君子超將遠邁我情

願關我言願結心之憂矣良以忉怛

吳

獻詩

薛瑩

惟臣之先昔仕于漢奕世縣縣頗陟臺觀暨臣父綜遭
時之難卯金失御邦家毀亂適茲樂土庶存子遺天啟
其心東南是歸厥初流隸困於蠻垂大皇開基恩德遠
施特蒙招命拯擢泥污釋放巾褐受職剖符作守合浦
在海之隅遷入京輦遂升機樞枯瘁更榮絕統復紀自
微而顯非願之始亦惟寵遇心存足止重值文皇建號
東宮乃作少傅光華益隆明明聖嗣至德謙崇禮遇兼

加惟渥惟豐哀哀先臣念竭其忠洪恩未報委是以終
嗟臣蔑賤惟昆及弟幸生幸育託綜遺體過庭既訓頑
蔽難啟堂構弗克志存耦耕豈悟聖朝仁澤流盈追錄
先臣愍其無成是濟是拔被以殊榮翊忝千里受命南
征旌旗備物金革揚聲及臣斯陋實闇寔微既顯前軌
人物之機復傳東宮繼世荷輝才不逮先是忝是違乾
德博好文雅是貴追悼亡臣冀存遺類如何愚胤曾無
髣髴瞻彼舊寵顧此頑虛孰能忍媿臣實與居夙夜反
側克心自論父子兄弟累世蒙恩死惟結草生誓殺身
雖則灰隕無報萬分

賦席

張純

席爲冬設簟爲夏施揖讓而坐君子攸宜

賦犬

張儼

守則有威出則有獲韓盧宋鵠書名竹帛

賦弩

朱異

南嶽之幹鍾山之銅應機命中射隼高墉

晉

從武帝華林園宴

二章

荀勗

習習春陽帝出乎震天施地生以應仲春思文聖皇順
時秉仁欽若靈則飲御嘉賓洪恩普暢慶乃衆臣

其慶惟何錫以帝祉肆覲羣后有客戾止外納要荒內
延卿士簫管詠德八音咸理凱樂飲酒莫不宴喜

前題 九章

應貞

悠悠太上民之厥初皇極肇建彝倫攸敷五德更運膺
籙一作應籙受符陶唐既謝天歷在虞

於時上帝乃顧惟眷光我晉祚應期納禪位以龍飛文
以虎變玄澤滂流仁風潛扇區內宅心方隅回面

天垂其象地耀其文鳳鳴朝陽龍翔景雲嘉禾重穎冀
莢載芬率土咸序一作寧人胥悅欣

恢恢皇度穆穆聖容言思其順貌思其恭在視斯明在

聽斯聰登庸以德明試以功

其恭惟何昧且不顯無理不經無義不踐行捨其華言
去其辯游心至虛同規易簡六府孔修九有斯靖

澤靡不被化罔不加聲教南暨西漸流沙幽人肄一作肆

險遠國忘遐越裳重譯充我一作切皇家

我幾列辟赫赫虎臣內和五品外威四賓修一作順時貢

織入覲天人備喜錫命羽蓋朱輪

貽宴好會不常厥數神心所受一作授不言而喻於是肄

一作肆射弓矢斯御發彼五的有酒斯飫

文武之道厥猷未墜在昔先王射一作躬御茲器示武懼

荒過亦爲失凡厥羣后無懈于位

勵志詩

九章

張華

大儀幹運天廻地游四氣鱗次寒暑環周星火旣夕忽
焉素秋涼風振落熠燿宵流

吉士思秋寔感物化日與月與荏苒代謝逝者如斯曾
無日夜嗟爾庶士胡寧自舍

仁道不遐德輶如羽求焉斯至衆鮮克舉大猷玄漠將
抽厥緒先民有作貽我高矩

雖有淑姿放心縱逸出般于游居多暇日如彼梓材弗
勤丹漆雖勞樸斲終負素質

養由矯矢獸號于林蒲蘆繁繳神感飛禽末伎之妙動
物應心研精耽道安有幽深

安心恬蕩棲志浮雲體之以質彪之以文如彼南畝力
耒旣勤蔗菘致功必有豐殷

水積成川載瀾載清土積成山歆蒸鬱冥山不讓塵川
不辭盈勉爾一作志含弘以隆德聲

高以下基洪由纖起川廣自源成人在始累微以著乃
物之理纏牽之長實累千里

復禮終朝天下歸仁若金受礪若泥在鈞進德修業輝
光日新隰朋仰慕予亦何人

祖道趙王 應詔

崇選穆穆利建明明

一作德

於顯穆親時惟我王稟姿自

然金質玉相光宅舊趙作鎮冀方休寵曲錫備物煥彰

發軔上京出自天邑百寮餞行縉紳具集軒冕峩峩冠

蓋習習戀德惟懷永歎弗及

祖道征西 應詔

赫赫大晉奄有萬方陶以仁化曜以天光貳跡陝西實

在我王內飪玉鉉外惟鷹揚四牡揚鑣玄輅振綏庶寮

羣后餞飲洛湄感離歎悽慕德遲遲

太康六年三月三日後園會 四章

暮春元日陽氣清明祁祁甘雨膏澤流盈習習祥風啟

滯導生禽鳥翔逸卉木滋榮纖條被綠翠華含英

於皇我后欽若昊乾順時省物言觀中園讌及羣辟乃

命乃延

一作初筵

合樂華池被濯清川汎彼龍舟泝游洪源

一作泝渚游源

朱幕雲覆列坐文茵羽觴波騰品物備珍管絃繁會變

用奏新穆穆我皇臨下渥仁訓以慈惠詢納廣神好樂

無荒化達無垠

咨予微臣荷寵明時忝恩于外攸攸三期犬馬惟慕天

實為之靈啓其願邀願在茲予以表情爰著斯詩

答程曉

傅玄

奕奕兩儀昭昭太陽四氣代升三朝受祥濟濟羣后
我聖皇元服肇禋配天垂光伊州作弼王室惟康
顯顯兆民蠢蠢戎羶率土充庭萬國奉蕃皇澤雲行
神化風宣六合咸熙遐邇同歡赫赫明明天人合和
下罔遺滯焦朽斯華矧我良朋如玉之嘉穆穆雖
雖興頌作歌

宴會詩

日之既逝情亦既渥賓委餘歡主容不足樂飲
今夕溫其如玉

芙蕖

煌煌芙蕖從風芬葩照以皎日灌以清波陰結其實
陽發其華金房綠葉素株翠柯

孝經詩

二章

傅咸

立身行道始於事親上下無怨不惡於人一作不孝無
終始不離其身三者備矣以臨其民敢惡人
以孝事君不離令名進思盡忠義則不爭匡救其惡災
害不生孝悌之至通於神明

論語詩

二章

守死善道磨而不磷直哉史魚可謂大臣見危授命能
致其身

克已復禮學優則任富貴在天為仁由已以道事君死而後已

毛詩詩 二章

無將大車維塵冥冥濟濟多士文王以寧顯允君子大猷是經
聿脩厥德令終有俶勉爾遐思我言維服盜言孔甘其何能淑讒人罔極有覲面目

周易詩

卑以自牧謙尊而光進德修業既有典常暉光日新照于四方小人勿用君子道長

周官詩 二章

惟王建國設官分職進賢興功取諸一作詩文易直除其不蠲無敢反側以德詔爵允臻其極

辨其可任以告于正掌其戒禁治其政令各修乃職以聽王命

左傳詩

事君之禮敢不盡情敬奉德義樹之風聲昭德塞違不殞其名死而利國以為已榮茲心不爽忠而能力不為利啗古之遺直威黜不端勿使能植

贈褚武良

四言古詩 卷十五
爰暨于褚惟晉之禎肇振鳳翼羽儀上京聿作喉舌納
言紫庭光贊帝道敷皇之明方任之重實在江揚乃授
旄鉞宣曜威靈悠悠遐邁東夏于征

贈崔伏二郎

英妙之選二生之授顯顯兩城歡德之茂君子所居九
夷非陋無狹百里而不垂覆人之好我贈我清詩示我
周行心與道期誠發自中義形於辭古人辭讜豈不爾
思

贈建平太守李叔龍

弘道興化實在良守悠悠建平皇澤未流朝選於衆乃

子之授南荆注望心乎克副

贈太尉司馬虞顯機

帝崇元淑妙選其屬命子是佐增袞之縟

與尚書同僚

非望之寵謬加于已猥授非據奄司萬里煌煌朱軒服
驥騄曄曄初星蕭蕭臣僕暉光顯赫衆目所屬斯之
弗稱匪榮伊辱質弱尚父受任鷹揚德非樊仲王命是
將百城或違無能有匡一州之矜將弛其綱得意忘言
言在意後夫惟神交可以長久我心之孚有盈于缶與
子偕老豈曰執手出司萬一作百里牧彼朔濱服冕乘軒

六轡既均威風先邁百城肅震

答樂弘詩

序曰安樂令樂弘太傅鉅平侯羊公辟未就而公薨後應司州之命舉秀才博

文通濟之士余失和於府當換為護軍司馬賦詩見贈答之云爾

鉅平作宰是貴是欽弓旌仍招嘉命胥尋鸞鳳養儀戢翼幽林未附雅調以和韶音鉅平遐逝厲志彌深肅肅京司清風裁邁乃延羣彥龍集鳳會亦既斯降萬里有賴聲發響應好結傾蓋

答潘尼詩

序曰司州秀才潘正叔識通才高以文學溫雅為博士余性直而處清論褒貶之任作詩以見規雖褒飾之舉非所敢聞而斐

粲之辭良可樂也答之雖不足以相酬報所謂蓋各言志也

貽我妙文繁春之榮匪榮斯尚乃新其聲吉甫作頌馥其馨寔由樊仲其德克明授此瓦礫厠彼瑤瓊既非其喻聞寵若驚

失題

奕奕恒山作鎮冀方伊趙建國在岳之陽

大蜡詩

裴秀

日躔星紀大呂司辰玄象改次庶衆更新歲事告成八

蜡報勤告成伊何年豐物阜豐禋孝祀介茲萬福一作景福

報勤伊何農功是歸穆穆我后矜茲烝黎宣友蕃畝沾

體暴肌飲饗清祀四方來綏充牣郊甸鱗集京師交錯

貿遷紛葩相追摻袂成幕連衽成帷有肉如丘有酒如
泉有着如林有貨如山率土同懽和氣來臻祥風叶順
降祉自天方隅清謐嘉祚日延與民優游享壽萬年

祖道 應令

王濬

侯誰在矣東宮詵詵曰保曰傅弘道維新前疑協衡顧
問翼輪豈伊張仲專美前津渙乎唐德欽在四鄰齊軌
上葉永垂清塵

補亡詩

六首 序曰哲與同業疇人肄修鄉飲之禮
然所咏之詩或有義無辭音樂取節闕而

不備于是遥想既往存思在昔補
著其文以綴舊制 束哲

循彼南陔言采其蘭眷戀庭闈心不遑安彼居之子罔

或游盤馨爾夕膳潔爾晨餐循彼南陔厥草油油彼居
之子色思其柔眷戀庭闈心不遑留馨爾夕膳潔爾晨
羞有獺有獺在河之涘凌波赴汨噬魴捕鯉嗷嗷林鳥
受哺于子養隆敬薄惟禽之似勗增爾虔以介丕祉

右南陔

孝子相戒以養也

白華朱萼被于幽薄粲粲門子如磨如錯終晨三省匪
惰其恪白華絳趺在陵之陬蓊蓊士子涅而不渝竭誠
盡敬疊疊忘劬白華玄足在丘之曲堂堂處子無營無
欲鮮侔晨葩莫之點辱

右白華

孝子之潔白也

黜黜重雲習習一作輯輯和風黍華陵巔麥秀丘中靡田不

播九穀斯豐奕奕玄霄濛濛甘雷黍發稠華禾一作挺

其秀靡田不殖九穀斯茂無高不播無下不植芒芒其

稼參參其穡穡我王委克我民食玉燭陽明顯猷翼翼

右華黍 時和歲豐宜黍稷也

蕩蕩夷庚物則由之蠢蠢庶類王亦柔之道之既由化

之既柔木以秋零草以春抽獸在于一作草魚躍順流

四時遞謝八風代扇纖阿案晷星變其躔五緯不愆一作

逆六氣無易情情我王紹文之跡

右由庚 萬物得由其道也

瞻彼崇丘其林藹藹植物斯高動類斯大周風既洽王

猷允泰漫漫方輿迴迴洪覆何類不繁何生不茂物極

其性民永其壽恢恢大圓茫茫九壤資生仰化于何不

養人無道天物極則長

右崇丘 萬物得極其高大也

肅肅君子由儀率性明明后辟仁以為政魚游清沼鳥

萃平一作干林濯鱗鼓翼振振其音賓寫爾誠主竭其心

時之和矣何思何修文化內輯武功外悠

右由儀 萬物之生皆得其儀也

答阮得猷

棗據

四言古詩 卷十五 三十一
友朋顧之貽我良箴玩之無斃終詠斯音燕鼎在舟雖
重不沈庶憑嘉謀高迹可尋

贈摯仲治

杜育

之子于歸言秣其駒矧乃斯人乃邁乃徂雖非顯甫餞
彼百壺雖非張仲將膾河魚人亦有言貴在同音雖曰
翻飛曾未異林顧戀同枝增其慨心望爾不遐無金玉
音

答杜育

摯虞

越有杜生既文且哲龍躍潁豫有聲彰澈潁茲三益如
琢如切好以義結友以文會豈伊在高分定傾蓋其人
如玉美彼生芻鐘鼓匪樂安用百壺老夫灌灌離羣索
居懷戀結好心焉悵如

雍州詩

於皇先王經啓九有有州惟雍居京之右土載輿區山
包一作荷神藪嘉生惟繁庶類伊阜悠悠州域有華有戎
外接皮服内含岐豐周餘既沒夷德未終莫不慕義易
俗移風

洛水祖王公

應詔

何劭

穆穆聖王體此慈仁友于之至通于明神遊宴綢繆情
戀所親薄云餞之于洛之濱嵩崖巖巖洪流湯湯春風

動衿歸鴈和鳴我后饗客鼓瑟吹笙舉爵惟別聞樂傷
情嘉宴既終白日西歸羣司告旋鸞輿整綏我皇重離
頓轡駢臨川永歎酸涕霑頤崇恩感物左右同悲

平吳後三月三日華林園詩

王濟

蠢爾長虵荐食江汜我皇神武汎舟萬里迅雷電邁弗
及掩耳思樂華林薄采其蘭皇居偉則芳園巨觀仁以
山悅水爲智歡清池流爵秘樂通玄修習灑鱗大庖妙
饌物以時序情以化宣終温且克有肅初筵嘉賓在茲
千祿永年

賜餞東堂詔令賦詩

李密

人亦有言有因有緣官無中人不如歸田明明在上斯
語豈然

贈皇甫謐

辛曠

顛顛朝士亦孔其依莫不遲想載渴載饑我弓我旌禮
亦無違企望高岡來儀來歸其歸伊何與帝同心明明
天子如日之臨臨照四方探賾幽深山無逸民水無潛
鱗爰被一作彼九臯克量德音茂哉先生皇實是欽

周詩

序曰周詩者南陔白華華黍由庚崇丘由儀
六篇有其義而亡其辭湛續其亡故云周詩

夏侯湛

既殷斯虔仰說洪恩夕定晨省奉朝侍昏宵中告退雞

四言古詩

卷十五

三十一

鳴在門孳孳恭誨夙夜是敦

贈妹九嬪悼離詩

左思

鬱鬱岱清海瀆所經陰精以靈爲祥爲禎峨峨令妹應
期誕生如蘭之秀如芝之榮總角岐嶷齒齠夙成比德
古烈異世同聲惟我惟妹寔惟同生早喪先妣恩百常
情女子有行實遠父兄骨肉之恩固有歸寧何悟離析
隔以天庭自我不見于今二齡穆穆令妹有德有言才
麗漢班明朗楚樊默識若記下筆成篇行顯中閨名播
外藩何以爲贈勉以列圖何以爲言申以詩書相去在
近上下歛歔含辭滿胸鬱煩不舒

皇太子宴玄圃宣猷堂有令賦詩

陸機

三正迭紹洪聖啓運自昔哲王先天而順羣辟崇替降
及近古黃暉旣愉素靈承祐乃眷斯顧祚之宅土三后
始基世武丕承協風旁駭天晷仰澄淳曜六合皇慶攸
興自彼河汾奄齊七政時文惟晉世篤其聖欽翼昊天
對揚成命九區克咸謳歌以詠皇上纂隆經教弘道于
化旣豐在工載考俯釐庶績仰荒大造儀刑祖宗妥綏
天保篤生我后克明克秀體輝重光承規景數茂德淵
冲天姿玉裕蕞爾小臣邈彼荒遐弛厥負擔振纓承華
匪願伊始惟命之嘉

皇太子賜讌詩

明明隆晉茂德有赫思媚上帝配天光宅誕育皇儲儀
刑在昔徽言時宣福祿來格勞謙降貴肆敬下臣肇彼
先驅翻成嘉賓

贈馮文罷遷斥丘令 八章

於皇聖世時文惟晉受命自天奄有黎獻聞闔既闢承
華再建明明在上有集惟彥
奕奕馮生哲問允迪天保定子靡德不鑠邁心玄曠矯
志崇邈遵彼承華其容灼灼
嗟我人斯戢翼江潭有命集止翻飛自南出自幽谷及

爾同林雙情交暎遺物識心

人亦有言交道寔難有頰者弁千載一彈今我與子曠
世齊歡利斷金石氣惠秋蘭

羣黎未綏帝用勤止我求明德肆于百里僉曰爾諧俾
民是紀乃眷北徂對揚帝祉

疇昔之遊好合纏綿借曰未給 一作洽 亦既三年居陪華

幄出從朱輪方驥齊鑣比迹同塵

之子既命四牡項領遵塗遠蹈騰軌高騁慶雲扶質清
風承景嗟我懷人其邁惟永

否泰有 一作荷 殊窮達有違及子春華後爾秋暉逝將去

我陟彼朔陲非子之念心孰爲悲

贈潘尼

一作贈潘岳

水會于海雲翔于天道之所混孰後孰先及子雖殊同
升太玄舍彼玄冕襲此雲冠遺情市朝永志丘園靜猶
幽谷動若揮蘭

贈弟士龍

十章序曰余弱年夙孤與弟士龍銜卹喪庭續會通土命墨經卽戎時並縈髮

悼心告別漸歷入載家邦顛覆凡厥同生彫落殆半收迹之日感物興哀而龍又先在四時迫當祖載二昆不容道遙銜痛東徂遺情西慕故作是詩以寄其哀苦焉

於穆予宗稟精東嶽誕育祖考造我南國南國克靖實
繇洪績惟帝念功載繁其錫其錫惟何玄冕袞衣金石

伊尹施鉞授威匪威是信稱平遠德奕世台衡

極

篤生三昆克明克俊遵塗結轍承風襲閭帝曰欽哉
戎列祚雙組式帶綬章載路卽命荆楚對揚休顧肇斂
厥績武功聿舉烟燼芳素綢繆江滸昊天不弔胡寧棄
予

嗟予人斯胡德之微闕彼遺軌則此頑違王事匪盥於
旆屢振委籍舊戈統厥征人祈祈征人載肅載閑駉駉
戎馬有 有翰昔子翼考惟斯伊撫今予小子繆尋末

緒

有命自天崇替靡常王師乘運席卷江湘雖守守

從武臣守局下列譬彼飛塵洪波雷擊與衆同泯顛跋

西夏收迹舊京俯慚堂構仰懷一作惟先靈孰云忍愧寄

之我情

伊我俊弟咨爾士龍懷襲瑰瑋播殖清風非德莫勤非

道莫弘垂翼東畿耀穎名邦綿綿洪統非爾孰崇依依

同生恩篤情結義存並濟胡樂之悅願爾偕老攜手黃

髮

昔我西征扼腕川湄掩涕卽路耀袂長辭六龍促節逝

不我待自往迄茲曠年八祀悠悠我思非爾焉在昔並

垂髮今也將老銜哀茹感契濶克飽嗟我人斯胡卹之

早

天步多艱性命難誓常懼隕斃孤魂殊裔存不阜物沒

不增壤生若朝風死猶絕景視彼浮遊方之僑客眷此

黃廬譬之斃宅匪身是玄亮會伊惜其惜伊何言紆其

思其思伊何悲彼曠載

出車戒塗言告言歸蓐食驚駕夙興宵馳濛雨之陰炤

月之輝陸陵峻坂川越洪漪爰屆爰止步彼高堂失爾

羽邁良願中荒我心永懷匪悅匪康

昔我斯逝元弟孔仁今我來思或彫或疚昔我斯逝族

有餘榮今我來思堂有哀聲我行其道鞠為茂草我履其房物存人亡拊膺涕泣血淚彷徨

企佇朔路言送爾歸心存言宴日想容輝迫彼窳窳載驅東路繼其桑梓肆力丘墓婉兮變兮興懷罔極眷言顧之使我心惻

答賈謐

十一 韋序曰余昔為太子洗馬魯公賈長淵以散騎常侍東宮積年余出補吳王郎中令元康六年入為尚書郎魯公贈詩一篇作此詩答之云爾

伊昔有皇肇濟黎烝先天創物景命是膺降及羣后迭襲迭興邈矣終古崇替有徵

在漢之季皇綱幅裂大辰匿暉金虎曜質雄臣馳騫義

夫赴節釋位揮戈言謀王室

王室之亂靡邦不泯如彼墜景曾不可振乃眷三哲俾

又斯民啓土雖一作難改物承天

爰茲有魏卽宮天邑吳寶龍飛劉亦岳立于載揚俎

豆載戢民勞師與國玩凱入

天厭霸德黃祚告爨獄訟違魏謳歌適晉陳留歸蕃我

皇登禪庸岷嶧稽顙三江改獻

赫矣隆晉奄宅率土對揚天人有序斯祜惟公太宰光

翼二祖誕育洪胄纂戎于魯

東朝既建淑問裁裁我求明德濟同以和魯公戾止袞

服委蛇思媚皇儲高步承華

昔我逮茲時惟下僚及子棲遲同林異條年殊志比服

舛義稠游跨三春情固二秋

祗承皇命出納無違往踐蕃朝來步紫微升降祕閣我

服載暉孰云匪懼仰肅明威

分索則易攜手實難念昔良游茲焉永歎公之云感貽

此音翰蔚彼高藻如玉如蘭

惟漢有木曾不踰境惟南有金萬邦作詠民之胥好狷

狂厲聖儀刑在昔予聞子命

答潘尼

一作答潘岳

於穆同心如瓊如林我東日徂來餞其琛彼美潘生實
綜我心探我玉懷疇爾惠音

大將軍宴會被命作詩

六章

陸雲

皇皇帝祜誕隆駿命四祖正家天祿保安

一作安

定獻哲惟

晉世有明聖如彼日月萬景攸正

巍巍明聖道隆自天則明分爽觀象洞玄陵

一作凌

風叶

極

一作紀

絕輝照淵肅雍往播福祿來臻

在昔奸臣稱亂紫微神風潛駭有赫茲威靈旗樹旆如

電斯揮致天之屈于河之沂有命再集皇輿凱歸

頽綱既振品物咸秩神道見素遺華反質辰晷重光協

風應律而夏無塵海外有謚

芒芒宇宙天地交泰王在華堂式晏嘉會玄暉峻朗翠

雲崇藹冕弁振纓藻服

一作垂帶

火

祁祁臣僚有來雍雍薄言載考承顏下風俯覲嘉客仰

瞻玉容施已唯約于禮斯豐天錫難老如岳之崇

征西大將軍京陵王公會射堂皇太子見命作此

詩

六章

芒芒太極玄化烟熅頽形成器凌象垂文大鈞造物庶

類羣分先識經始實綜彝倫

惟岳隆周生甫及申天鑒在晉祚之降神邈矣遐風茂

德有鄰永言配命唯晉之鎮

厥鎮伊何實幹心膂文教內輔武功外禦淮方未靖帝

曰攸序公于出征奄有南浦

南海既賓爰戢干戈桃林釋駕天馬婆娑象齒南金來

格皇家絕音協徽宇宙告和

玄綱峻極天罔既紘文武方升允茲兼弘戡戡高夏有

肅其涼公侯戾止駟驥龍驤善問如林在會鏘鏘

祝融御節火正緝熙凱風徘徊萬物欣時秩秩初筵薄

言在茲嘉福介祐萬壽無期

大安二年夏四月大將軍出祖王羊二公於城南

堂皇被命作此詩

六章

時文唯晉天祚有祥聖宰作弼受言既臧有赫斯庸勳
格昊蒼景物台暉棟隆玉堂

惟常思庸大興光迪聖敬遠躋神道玄邈思媚三靈誕
膺天篤嘉命既辱王人言告

翼翼王人言告惟慕公輿駕言乃眷斯顧華旂飛藻鳴
鸞振路駢駢駟牡噓天載步

我有高夏如雲斯蒼彫軒戾止薄言嘉會問誰在宴惟
俊惟又豐俎殷薦獻酬交泰

攸攸昊天南正興言朱明有暉萬葉翠繁昌雲垂天凱
風熙顏王臣在此貽宴于懽

懸象西頽虞淵納景嘉樂未晞嚴駕已整行矣征人身
乖路永飛驂顧懷華蟬引領遺思北京結轡臺省

太尉王公以九錫命大將軍讓公將還京邑祖餞
贈此詩

六章

烈文辟公時惟哲王闡縱絕期平顯幽光內實慎徽緝
熙有臧出紉方慝間督不揚高出峻極天造世亡芒

天子念功大典光備肅肅王命宰臣蒞事穆矣淵讓遺
功遂志思我遠猷徽音孰嗣

后命既靈王人反旆興言出祖飲餞于邁於旄泱泱軺

軒藹藹和風弭塵清暉映蓋

思樂中陵言觀其川公王戾止有車麟麟伊誰云饗我

有嘉賓羽觴舉酬酢爾征人

悠悠征人四牡駢駢發軫北京振策紫微昔乃云來春

林方輝歲亦暮止之子言歸道塗興戀伏載稱微

聖澤既渥嘉會惜惜庭旅鐘鼓堂有瑟琴飛響清暉扶

桑移蔭視景祗慕揮袂沾襟變彼同栖悲爾異林我有

旨酒以歌以吟

從事中郎張彥明為中護軍 六章

思文有聖獻哲配天功濟生黎道合上玄休命發揮有

集惟賢哲彼寤宿澄此在淵

濟濟多士實播令聞王曰欽哉余嘉乃勲徽音孔頤惠

爾風雲穆此芳烈肇揚清芬

肅肅庶僚袷服籠暉肇彼桃蟲假翼翻飛出撫邦家入

翔紫微有命既集願言永違

思樂華堂雲構崇基公王有酒薄言饗之景曜微芒芳

風詠時宴爾賓儉具樂于茲

疊疊我王豐恩允臧我客戾止飲酒公堂自彼下僚聿

來有光悲矣永言指途逝將形違殿闈景附華房

開國承家勿用小人今我聖宰實蕃斯仁凌淵龍躍披

林鳳振正直既好嘉禮式陳振我遠德歸于時民

贈汲郡太守

入章序曰奚世都為汲郡太守客將之官大將軍崇賢之德既遠而厚下

之恩又隆非此離析有感聖皇既蒙引見又宴于後園感鹿鳴之宴樂咏魚藻之凱歌而作是詩

於穆皇晉豪彥實蕃天罔振維有聖貞觀鳴鳥在林良

駿即閑萃彼俊乂時亮庶官

抑抑奚生天篤其淳芳穎蘭揮瓊光玉振沈機照物妙

思考神思我善問觀德古人

善問伊何惠音孔韶肇允衡門翻飛宰朝肅雍芳林芬

響凌霄穆矣和風育爾清休

亦既有試出宰邦家之子于行民固謳歌風澄俗儉化

靜世波芒芒既庶且樂于和

我有好爵既成爾服入贊崇華遂登帷幄時文聖宰天

祚方穀朔風微止鴻漸雲嶽

悠悠斯民三代直道我求明德惟奚攸考緝熙暉章天

祿來保惠心無競豐化有造

樂只君子茂德攸綏嗟我懷人式是言歸聿言來集如

翼斯揮日予不惠照爾清暉

職思既殊亦各有司念我同僚悲爾異事之子之遠悠

悠我思雖無贈之歌以言志

贈顧驃騎二首

有皇大晉時文憲章規天有光矩地無疆神篤斯祐本
顯克昌載生之雋實惟祈陽哲問宣猷考茂其相
於鑠祈陽誕鍾天篤清輝龍見玄猷淵嘿沈機響駭幽
神廣覲和以同人歸物時育有大惡盈謙以自牧思我
懿範萬民來服

吳未喪師天秩有庸淵哉若人弱冠休風俯翼黃門以
德來忠端秀蕃后正色儲宮徽音鑠穎邈矣遐蹤
皇維南終舊邦匪歆委弁釋位如龍之潛考槃窮谷假
樂豐林子雖藏器鐘鼓有音惠風往敬慶問來尋

濟濟元公相惟天子明明辟王思隆多士帝曰欽哉有
命集止我咨四方令問在爾以朕大賚乃膺嘉祉聿來
胥步觀國之紀

惟皇建極緝熙清曜我有峻民明德來照大觀在上王
假有廟顯允顧生金聲玉振之子于升利見夫人龍輝
絕跡有肅清塵

清塵旣彰朝虛好爵敬子侯度慎徽百辟予聞有命德
禮不易嗟我懷人瞻言永錫豐祐東法惟子之績
遵汶涉泗言告同征勁風宵烈湛露朝零雲垂藹下泉
冽清泠哀哉行人感物傷情從子京邑言觀厥成天保

祚德式穀以寧

右有皇

八章美祁陽也祁陽秉文之士駿發其聲故能明照有吳入顯乎晉國人美之

而作是詩焉

思文祁陽祁陽克峻天錫純嘏宣茲義問德音既烈海
外有奮既奮斯音祇敬厥德昭治其家覃及邦國永肇
儀刑俾民惟則

文王在上太姒思齊魯侯克昌亦賴令妻鑒神有顧蘋
蘩在斯祁陽載天作之伉儷

在虞之胄實惟有姚穎艷玉秀華茂桃夭居顯祇明在
靈格幽清塵熠爍淑心綢繆爰及祁陽惟德之周

其德伊何和貞虔告師民履素言謀慮度鐘鼓思樂靖
端夙效考休攸嬪來嫁于顧

羔羊執贄玉帛有輝百兩集止之子于歸宗姻風從娣
姪雲回祁陽顧之煥其盈闈

既日歸止式揚好音言觀河洲有集于林思樂葛藟薄
采其蕈疾彼攸遂乃孚惠心

惠心既孚有恪中饋敦此衆斯永錫嗣類載延窈窕用
和寤寐神之聽之胤祚來爾

昔周之隆有任有姒內刑聖敬外崇多士今我淑人實
亮君子疊疊翼翼亦繼斯祉宜爾子孫福祿盈止

右思文

八章美祁陽也祁陽能明其德刑于寡妻以至干家邦無思不服亦賴賢妃貞女以成其內教故作是詩焉

贈顧尚書

五嶽降神四瀆炳靈兩儀鈞陶參和大成兆光人倫誕育至英於顯尚書實惟我兄行成世則才為時生體道既弘大德允明厥弘伊何靡曠不遵厥明伊何靡妙不研無索炤灼有求幽玄細微不錯毫芒以陳積篲為山納流成淵扶翹布華養物作春所肅以禮所潤以仁宣質拔行曜文入采堅不可鑽清如凝水方迹迎眼蹈齊闕里晞聖而惟亦顧之子彼棄芝英玩此蘭茝異世同

芳其馥不已我蘭既馥我風載清能芬南岳運芳北征子有其德人求其馨逝此陋巷薰彼紫庭厥音不已鼓鐘有聲聞天之聰譬之鵠鳴天聰既招我實惟彰乘風之鳳眷言朝陽披雲藻綉來此舊鄉謙光自抑厥輝愈揚麗容雕翕孔好已張既照平林具我華英華英已曜餘光難延會淺別速哀以紹欣追曠同塗暫和笑言殊音合奏曲異響連絕我懽條統我思因根分來在愛感往思我非形景有處有遊載離載會且懽且憂感彼遠曠去此延娛樂奏聲哀言發涕流唯願我子德與福俱亦天之祐亦我之私

贈顧彥先

五章

玄黃挺秀誕受至真行該其高德備其新光瑩之偉隋
卞同珍騰都之駿龍鳳合塵

皇皇明哲應期繼聲華映殊域實鎮天庭入輔出輔乾
乾靡寧夏發涼臺我雨我暑冬違邦族風霜是處嗟彼
獨宿誰與晤語飄飄艱辛非禹孰舉言念君子悵惟心
楚

悠悠山川驍驍征遐陟升嶮嶮降涉洪波言無不利乘
嶮而嘉人懷思慮我保其和

邂逅相遇良願乃從不逢知己誰濟予躬莫攀莫附媿
我高風時過年邁晡冉桑榆晞光賴潤亦在斯須假我
夷塗頓不忘驅汜予津川桴不失浮無愛餘輝遂暗東

嶠

嶠嶠東嶠戀彼西歸瞻儀情感聆音心悲之子于邁風
夜京畿王事多難仲焉徘徊

贈鄱陽府君張仲膺

五章

神林何有竒華妙實皇朝如何窮文極質斌斌君子升
堂入室太上有曜子誕其輝知機日難子達其微入輔
幃幄出御千里滔滔江漢南國之紀

謁帝東堂剖符南征天子命我車服以榮何以潤之德

四言古詩 卷十五
被蒼生何以濟之威振羣城却愚以化崇賢以仁鳳舒
其翮龍濯其鱗憶彼荒藪莫敢不賓雖云舊邦其命維
新

卞和南金終始一色顯允君子窮達一德弘仁厲道物
究其極古賢受爵循墻虔恭今哲居貴履盈如冲接新
以化愛舊以豐隆此嚶鳴惇彼谷風

忠至寵加孝至榮集內崇南芬外清名邑煒煒棠棣夏
增其華猗猗桑梓厥耀孔多被繡畫行昔人攸羨階雲
飛藻孰與同粲

人道伊何難合易離會如升峻別如順淇嗟我懷人曷
云其來貢言執手涕既隕之

贈鄭曼季 四首

習習谷風扇此暮春玄澤隆潤靈爽烟熅高山熾景喬
木興繁蘭波清躍芳許增涼感物興想念我懷人

習習谷風載穆其音流瑩鼓物清塵拂林霖雨嘉播有
滄淒陰歸鴻逝矣玄鳥來吟嗟我懷人其居樂潛明發
有想如結予心

習習谷風以溫以涼玄黃交泰品物含章潛介淵躍候
鳥雲翔嗟我懷人在津之梁明發有思凌波褰裳
習習谷風其集惟高嗟我懷人於焉逍遙鸞栖高岡耳

想雲韶拊翼墜夕和鳴興朝我之思之言懷其休
習習谷風其音孔嘉所謂伊人在谷之阿虎質山嘯龍
輝淵蟠維南有箕匪休其和有採斯畢俾爾滂沱懿厥
河漢惟彼太華明發有懷我勞如何

右谷風

五章懷思也君子在野愛而不見故作是詩言其懷思之也

鳴鶴在陰戢其左翼肅雍和鳴在川之側假樂君子祚
爾明德思樂重虛歸于其極嗟我懷人惟馨黍稷
鳴鶴在陰其鳴喈喈垂翼蘭沼濯清芳池假樂君子其
茂猗猗底之瑰寶有餐瓊瓌乃振袞裳襲爾好衣嗟我
懷人啓襟以晞

鳴鶴在陰其儀藹藹謂天蓋高和音于邁假樂君子篤
膺俊乂穆風潛烈興雲戢蒼德茂當年時衍嘉會安得
鞶藻改爾縞帶嗟我懷人心焉忼慨

鳴鶴在陰載好其聲漸陸儀羽遵渚回涇假樂君子祚
之篤生德耀有穆如瑤如瓊安得風帆深濯髯滅景遺
雲雨爾在北冥嗟我懷人惟用傷情

右鳴鶴

四章美君子也太平之世君子猶有退而窮居者樂天知命無憂無欲碩人之考槃傷有德之遺世故作是詩也

南衡惟岳峻極昊蒼瞻彼江湘惟水泱泱清和有合俊
乂以臧天保定爾茂以瓊光景秀濛汜穎逸扶桑我之



懷矣休音峻揚

穆穆休音有來爾雍沈波涌奧淵芳馥風儵虛養恬照

日遺蹤考槃遵渚思樂潛龍我之懷矣冥爾華宮

和壁在山荆林玉潤之子于潛清輝遠振克稱韜德作

寶有晉和聲在林羽儀未變我之懷矣有客來信

風雲有作應通山淵清琴啓彈宮商乘絃類族知感有

命自天夷叔希世猶謂比肩矧我與子姤會斯年

我之懷矣在彼北林北林何有於煥斯文瓊瑰非寶八

牘成珍豐華非妙得意惟神河魴登俎遺答清川

右南衡

五章美君子也言君子遊世不聞以德存身作者思其以德來仕又願言就之

宿感白駒之義而作是詩焉

瞻彼高岡有猗其桐允也君子實寶南江員規啓俗沈

矩履方泳此明流清瀾川通陟彼衡林味其回芳

馥馥回芳綢繆中原祁祁庶類薄采其芬栖遲泌丘容

與衡門聲播東汜響溢南雲

穆穆閭闔南端啓籥庶明以庸帝聽式闕有鳳于潛在

林栖翮非予之祚孰與好爵

幽居玩物顧景自頤發憤潛惟仞佛有思予美念此終

然胥來企予與言惟用作詩

右高岡

四章

答吳王上將顧處微 九章

邈矣大昧造化明明物以曲全人以直生類聚百族羣
分萬形員淵挺隋方川吐瓊
藹藹洪族天祿攸蕃神綏厥本道裕其源條有豐葉波
無輟瀾烈風時播芳響世繁

曰繁曰頤載德于茲克文克敏乃惠乃慈遵彼洪流薄
言詠之好是神契聊與之期

仁勇同宅文武相紛王謂御事誰撫上軍於時翻飛虎
嘯江濱式遏不虞俾也無塵

三代既遠直道垂音非齒焉尚非德孰欽鑽仰自古鮮
曰在今匪唯形交殷薦其心

心以殷薦分以道成祗服惠顧疇此深情亦有芳訊薄
載其誠豈無春暉茲焉可榮

大道易聞崇軌難襲孰云匪衍咎去尤集敢謝不佞栖
山自戢臨篇焉愧德輶辭輯

翩彼日月逝猶駭電朝華未厭夕風已扇詩亦有悲無
幾相見懷德歎心于焉東眷

平津晚貢貢公後徵陟彼玉階黃髮來升靈卉三秀芳
草秋興唯頤清神福祿是膺

答大將軍祭酒顧令文 五章

惟林有鸞惟淵有螭顯允明德實邦之基先后陟恪子
配于茲遵彼玉堂受言邁之

中原有軌世鮮克蹈先民有懷子探其妙心猶水鑿函
景內照名若振炎攄光外耀

相彼水鑿民胥攸臨矧曰明德人誰弗欽寫我朶頤卽
爾澄心義隆自古好邈在今

大人有作興雲自天之子于升亦躍于淵景曳清霄響
發鳴弦義問弘集淑風載鮮

企予朔都非子孰念豈無弱翰才不克瞻惠音聿來瓊
華玉艷無德不報念辭惟忝

答兄平原

伊我世族太極降精昔在上代軒虞篤生厥生伊何流
祚萬齡南嶽有神乃降厥靈誕鍾祖考徹茲神明運步
玉衡仰和太清賓御四門旁穆紫庭紫庭旣穆威聲爰
振厥振伊何播化殊鄰清風攸被率土歸仁彤弧所彎
萬里無塵功昭王府帝庸厥勳黃鉞授征錫命頻繁闕
如馘虎肅茲三軍光若辰時亮彼公門仍世上司芳流
慶純雲和所產爰育二昆誕豐岐嶷夙邁令聞令聞伊
何休音允臧先公克構乃崇斯堂耀穎上京發迹扶桑
戎車山征時惟鷹揚鷹揚旣昭勳庸克邁天子命我鎮

四言古詩 卷十五 五十一
彌于外在作扞城以表南裔降災匪蠲景命顛沛惟我
賢昆天姿秀生含竒播殊明德惟馨太陽散氣乃稟厥
和山川垂度爰則厥遐厥遐伊何惟光惟大惟大伊何
如岱如渭恢此廣淵廓彼洪懿弘道惇德淵哉爲器統
我先基弱冠慷慨將弘祖業實學奕世咨予頑蒙蕞爾
弱才沈耀玄渚挹庇雲淇陶化靡後固陋于茲瞻仰洪
範實忝先基巍巍先基重規累軌赫赫重光遐風激鷲
昔我先公爰造斯猷今我六裔匪崇克扶悠悠大道載
邈載遐洋洋淵源如海如河昔我先公斯綱斯紀今我
末嗣乃頌乃祀世業之頌自予小子仰愧靈丘銜憂沒

齒憂懷惟何顧景惟塵我我高蹤眇眇賀辰明德繼體
莫非哲人今我頑鄙規範靡遵仍世載德荒之予身莫
峻匪岳有峻斯登莫高匪雲有高斯凌矧我成基匪克
階升玄黃長坂載寐載興豈敢憚行哀此負乘芒芒高
山自予頽之濟濟德義匪予懷之終銜永負于其媿而
昔予言曠汎舟東川銜憂告辭揮淚海濱羲陽趣駕炎
華電征自我不見邈哉八齡悠思迥望寤言通靈昔我
往矣辰在東嶠今我于茲日薄桑榆銜艱邁愍困瘁殷
憂哀矣我世匪蒙靈休開元迄茲震興迭微弱風隱駭
海水羣飛王旅南征闡耀靈威予昆乃播爰集朔土載

離永久其毒太苦上帝休命駕言其歸多我邁愍振蕩
朔垂羈繫殊俗初願用違嚴駕東征肅邁林野夕秣乘
馬朝整僕旅矯矯乘馬載驅載馳漫漫長路或降或階
晨風夙零朝不皇饑傾景儵墜夕不存罷雖有豐草匪
釋奔駟雖有重陰匪遐寐煢煢僕夫悠悠邁征經彼
喬木有鳥嚶鳴微物識儕矧伊有情樂茲棠棣實歡友
生既至既覲滯思曠年曠年殊域覲未浹辰恨其永懷
憂心孔艱天地永久命也難長生民忽霍曷去其常我
之既存靡績靡紀乾坤難並寂焉其已生若電激沒若
川征存愧松柏逝慚生靈匪吝性命實悼徒生苟克析

薪豈憚冥冥瞻企皇極徼福上天冀我友生要期永年
昔我先公邦國攸興今我家道綿綿莫承昔我昆弟如
鸞如龍今我友生凋俊墜雄家哲永徂世業長終華堂
傾構廣宅頽墉高門降衡脩庭樹蓬感物悲懷愴矣其
傷惇仁汜愛錫予好音晞光懷寶煥若南金披華玩藻
曄若翰林詠彼清聲被之瑟琴味此殊響慰之予心弘
懿忘鄙命之反覆敢投桃李以報寶一作珠玉冀憑光蓋
編諸末錄

答顧秀才

五章

芒芒上玄有物有則厥初造命立我藝則爰茲族類有

覺先識斯文未喪誕育明德

允矣顧生載靈之和沈根芳沼濯秀蘭波淵翹戢穎景

茂凌華惟是德心是用閑邪

德心伊何行歸于周希高仰峻企遠懷悠匪願在明靡

倦斯幽凡我同朋瞻言清休

慎終于遠俾民歸厚言若有行及予攜手何以恤我其

仁孔有心之云愛隆敬其久

既邁斯仁亦迪茲文藻不雕樸華不變淳有斐君子如

珪如璠仰欽德類依懷惠詮式揚好問邦家于宣

答孫顯世 十章

邈矣上祖垂休萬葉廣問弘被崇軌峻躡高山克荒大

川利涉繁藹惟祐風連雲接

大人有作二后利見九功敷奏七德殷薦鬯實重芳勞

烈再扇奕世弘道天祿來宴

道弘振古祚未替今如彼在川亦有浮沈大韶既素響

非我音豈曰荒止塗弗克尋

昌風改物豐水易瀾百川總紀四海合源在彼焉取聿

來莫觀曾是褊心敢忘丘園

員暉偏照玄澤謬盈發彼承華頓此增城紀景靈雲倦

遊紫庭匪曰能知寔忝長纓

四言古詩 卷十五
煥矣金虎襲我皇猷孰云匪忝仰媿蒼流往蹇來反弭
迹一丘變彼東朝言卽爾謀

振振孫子洪族之紀志擬龍潛德配麟趾引服朗節克
明峻軌遵彼中臯於穆不已

於穆不已大都是階之于于命民膺如隤厚德時邁協
風允諧惠此海湄俾也可懷

乃眷丘林樂哉河曲解紱披褐投印懷玉遺情春臺托
蔭寒木言念伊人溫其在谷

道俟人行辭以義輯和容過表余未云執惠音弘播清
風駿集懷德形懽臨篇景立

失題

八章

悠悠縣象昭回太素清濁迭興升降啓度遺和旣爽季
春告暮朱明來思青陽受煦

日征月盈天道變通太初陶物造化爲功四月惟夏南
征觀方凱風有集飄颻南窻思樂萬物觀異知同

有滄萋萋甘雨未播黍稷方華中田多稼庭槐振藻園
桃阿那薄言觀物在堂知化

蓬戶惟清玩物一室明發有懷念昔先哲通夢幽人彷彿
遺烈清暉在天孰與永日

乃啓遺籍思予大觀幽居傲物顧景怡顏况惟解舞衡

門重關思媚古人有懷良盤沈曦含輝芳烈如蘭
厥初生民有物有類自古有稱大寶以位征徒式好駿
奔攸遂啓予有聞誨爾達貴
達貴伊何天爵無榮渾淪大昧混其濁清毀方遜象道
頑履貞道實藏器景以昭形

芒芒陋世奚競奚錯牧彼紛華委之冲漠漂志垂天矯
心馮閣通好莊聃儀刑有作安得達人顧予命薄

失題 六章

思樂芳林言采其菊衡薄遵塗中原有菽登彼脩巒在
林寤宿彷彿佳人清顏如玉

予美亡此誰為適道容與侯之玄髮方皓躑躅山阿玩
此芳草願餐其穎庶以遺老

疊疊嘉時飄忽棄予有瞻逝深永歎潛滸登願扶桑仰
結飛翥伊人匪存遺芳孰與

精氣為物或降或升徂落攸往神奇有登死生為徒存
亡曷勝謂予不信遺籍有徵

閒居外物靜言樂幽繩樞增結甕牖綢繆和神當春清
節為秋天地則爾戶庭已悠

嗟我懷人悠悠其潛念昔先烈有懷所欽駭情玩世堂
允南金瓊輝邈矣誰適為心明發興言忼慨芳林

失題

美哉良友稟德坤靈明照遠鑒幽微研精超跡皇英質
如瑤瓊贈我翰林示我丹誠道同契合體異心并自頃
西徂合于五樓遲想歡懽觀我良疇亦既至止願言莫
由室邇人鬲中情則憂抱恨東遊神往形留何以含忍
寄之此詩何以寫思記之斯辭我心愛矣歌以贈之無
祕爾音不我是貽

失題

有美一人芳問芬葩嗟我欽羨夢想光華亦既至上
下欣嘉德馥秋蘭容茂春羅淑似令娣惟予陋何雖有
良友朽木難加愛樂朋規贈以斯歌皆能載之其美孔
多嗟痛薄祜並罹哀苦堂構既崩過庭莫覩我悴西隣
子沈東土契濶艱辛誰與晤語身滯情往神遊影處發
夢宵寐以慰延佇

答陸士龍

四首

鄭曼季

鴛鴦于飛在江之涘和音反暢拊翼雙起朝遊蘭池夕
宿蘭芷清風翕習扇彼蘭茝凌雲高厲載翔載止
鴛鴦于飛載飛載吟有鬱浚藪實惟桂林芳條高茂華
繁垂陰爰翺爰翔爰憇其南有馥清芬協我好音
鴛鴦于飛乘雲高翔有嚶其友戢翼未翔澹澹素波容

與趨倡雖曰戢止和音遠揚我有好爵與子偕嘗
鴛鴦于飛徘徊翩翩載頡載頽命侶鳴羣有鬱蘭臯泐
彼清源駕言遊之聊樂我云思與佳人齊懽順川
鴛鴦于飛或飛或遊習習谷風扇彼清流春草揚翹龜
龜沈浮感物興想我心長憂誰謂河廣曾不容舟企予
望之搔首踟躕

鴛鴦于飛載和其鳴懷爾好音寡我中情人亦有言心
得遺形授我木瓜報爾瑤瓊匪繫日報永好千齡

右鴛鴦

六章美賢也有賢者二人雙飛東岳揚
輝上京其兄已顯登得朝而弟中斬婆
娑衡門然其勞謙接士吐握待賢雖姬公之
下白屋洙泗之養三千亡以過也乃肯垂顧

惠我好音思樂結永好之懽云爾

瞻彼蘭林有翹有秀有斐君子邦之碩茂厥德伊何固
天攸授如川之源如山之富回流清淵啓襟開裕縉紳
晞風民用胥附

猗猗碩人如玉如金浚其明哲克廣德心習習凱風吹
我棘林飛鴉萃至允懷好音悠悠征徒輶德鮮任嗟我
猗人和樂實忱

在昔延州鵠鳴江涯今我陸子曠世繼奇身垂千載德
音並馳漸鴻遵渚宛其羽儀安得高風騰翮天池
飛龍蜿蜒山谷升氣猛虎嘯吟清風高厲情同來感數

四言古詩 卷十五 五十一
垂身逝夷鮑齊權專名故世愷悌君子民之攸暨咨予
邁時千載同愛

垂龔之會匪詩不宣嗟我懷人斯恩斯勤德音來訊有
蔚其文菽菽毚兔匪迹不存誠在心德愛結忘言

右蘭林

五章權至好也有君子世濟其美英名
光茂遭時暫否福德衡門顧我殷勤屢
辱德音思與結好以永不刊

陟彼南山言采其蕭樂只君子邦家之翹克茂厥猶輻
德是收聊道以儉廣愛以周嗟我懷人永好千秋

瞻彼江潭言釣其鱖有美碩人自公退處羔裘逍遙輻
德是舉白駒遯時世事孰與思我猗人寘之晉序有客

信信獨寐寤語

天高地卑玄黃烟熅人道交泰自昔先民耽文合好輔
德與仁管叔罕僑曠世難隣脩組施結玄弁生塵咨我
與子邁會當身琴瑟在御永愛纏綿

瞻彼江澳言詠其潭所謂伊人在水之陰養和以泰樂
道之潛錦衣尚綢至樂是耽興言永思繫懷所欽愛而
不見獨寐寤吟

詩以言志先民是經乃惠嘉訊德音惟馨欽詠繁藻永
結中情華文傷實世士所營達人神化反之混冥交棄
其數言取其誠思與哲人獨寶其貞

右南山

五章酬至德也有退仕衡門修道以養和藥物以存神民思其治工懷其德或思置之列位或思從之信宿詩人嘉與此賢當年相遇又屢獲德音情懽心至故作是詩焉

瞻彼中陵蘭英猗猗允矣君子樂且有儀沈仁育物玄聰鏡機德充闡庭名逸南畿祁祁俊友言酌言依

鼓鐘于宮百里震聲亶亶令問歸我偉貞厥振伊何駿奔以驚厥問伊何民胥以寧有鶴在陰非子誰鳴我有好爵非子孰盈

潛龍遯初有鳳戢翬王猶未泰彝倫錯違臯門重闢資爾啓扉庶績適敷非爾焉綏翼翼京宇俟爾攸晞民之

胥望如渴如饑

德音來惠覆玩三周沈潤淵洞逸藻雲浮結心所親曷變曷渝路隔津梁一葦限殊終朝之思三秋是踰愛而不見與言踟躕

右中陵

四章

贈陸士龍

十章

孫拯

五龍戢號雲鳥纂紀淳化既離義風肅始軒冕垂容文教乃理奕奕英族盛德豐祀

於赫皇吳應天統元蒸文烈公光讚懿勲九命重輝恭德彌勤華黻襲藻金石載振

淵哉陸生本顯洪胄亦崇懿風邈比弘裕無競惟德豐
光伊茂文以義好施以仁富
山積惟峻道隆名遐潛景在淵龍躍承華既升爾儀誰
不允嘉有灌重深載清其波
濟濟皇朝峩峩髦士序爵以賢惟俊萃止翩翩二官令
問不已乃遷華閣皇典斯紀
思文大謨恢我王猷清風肆穆雅憲允休邁彼江川邈
此北流微言蘭馥玉藻雲浮
遭時之險虎宰滔天憑德羨重繫此俊賢休否既亨名
以德淵清微伊鑠鑽之彌堅

明明大象玄鑒照微顯允君子求福不回善挹引慶陰
以德祈澄濁以靜罔久不暉
釋彼遊寄樂此窈貞形以神和思以道新青雲方乘芳
餌可捐達觀在一萬物自賓

寂寂重門誰和子音瞻彼晨風思託茂林

關中詩

元康六年氏賊齊萬年與楊茂於關中反亂既平詔諸臣作關中詩臣岳即奉命竭

愚作詩十六章按漢紀孝明時護羌校尉竇林
上降羌顛岸以爲羌豪岸兄顛吾復降問事狀
林對前後兩屈坐誣罔下獄死齊萬年編戶隸
屬爲日久矣而死生異辭必有訛謬故引證喻
以懲不恪

潘岳

於皇時乃

一作

晉受命既固三祖在天聖皇紹祚德博化

光刑簡枉錯微火不戒延我寶庫

蠢爾戎狄狡焉思肆虞我國青窺我利器歛牧慮殊威
懷理二將無專策兵不素肄

翹翹趙王請徒三萬朝議惟疑未逞斯願栢栢梁征高
牙乃建旗蓋相望偏師作援

虎視眈眈威彼好時素甲日耀玄幕雲起誰其繼之夏
侯卿士惟系惟處別營棊時

夫豈無謀戎士承平守有完郭戰無全兵鋒交卒奔孰
免孟明飛檄秦郊告敗上京

周殉師令身膏氏

一作齊

斧人之云下貞節克舉盧播違

命投昇朔土為法受惡誰謂荼苦

哀此黎元無罪無辜肝腦塗地白骨交衢夫行妻寡父
出子孤俾我晉民化為狄俘

亂離斯瘼日月其稔天子是矜盱食宴寢主憂臣勞孰
不祇慄愧無獻納尸素以甚

皇赫斯怒爰整精銳命彼上谷指日遄逝親奉成規稜
威遐厲首陷中亭揚聲萬計

兵固詭道先聲後實聞之有司以萬為一紂之不善我
未之必虛晶浦德繆彰甲吉

雍門不啓陳汧危偏觀遂虎奮感恩輸力重圍克解危

四言古詩 卷十五
城載色

邑一作

豈曰無過功亦不測

情固萬端于何不有紛紜齊萬亦孔之醜曰納其降曰
梟其首疇真可掩孰偽可久

既徵爾辭既蔽爾訟當乃明實否則證空好爵既一作
縻顯戮亦從不見實林伏尸漢邦

周人之詩寔曰采薇北難獫狁西患昆夷以古况今何
足曜威徒愍斯民我心傷悲

斯民如何荼毒于秦師旅既加饑饉是因疫癘淫行荆
棘成榛絳陽之粟浮于渭濱

明明天子視民如傷申命羣司保爾封疆靡暴于衆無
陵于疆惴惴寡弱如熙春陽

為賈謐作贈陸機

十一章

肇自初創二儀網緼粵有生民伏羲始君結繩闡化八
象成文芒芒九有區域以分

神農更王軒轅承紀畫野離疆爰封衆子夏殷既襲宗
周繼祀綿綿瓜瓞六國互峙

疆秦兼并吞滅四隅子嬰面觀漢祖膺圖一作靈獻微
弱在涅則渝三雄鼎足孫啓南吳

南吳伊何僭號稱王大晉統天仁風遐揚偽孫銜璧奉
土歸疆婉婉長離凌江而翔

長離云誰咨爾陸生鶴鳴九臯猶載厥聲况乃海隅播
名上京爰應旌招撫翼宰庭

儲皇之選實簡惟良英英朱鸞來自南岡曜藻崇正玄
冕丹裳如彼蘭蕙載採其芳

藩岳作鎮輔我京室旋反桑梓帝弟作弼或云國宦一作
清塗攸失吾子洗然恬淡自逸

廊廟惟清俊又是延擢應嘉舉自國而遷齊轡羣龍光
讚納言優游省闈珥筆華軒

昔余與子繾綣東朝雖禮以賓情通友僚嬉娛絲竹撫
鞞舞韶修日朗月攜手逍遙

自我一作離羣二周于今雖簡其面分著情深子其超
矣實慰我心發言為詩俟望好音

欲崇其高必重其層立德之柄莫匪安一作恒在南稱
甘度北則橙崇子鋒穎不頽不崩

家風詩

縮髮縮髮髮亦鬢一作止日祇日祇敬亦慎止靡專靡

有受之父母鳴鶴匪和析新弗荷隱憂孔疚我堂靡構
義方既訓家道穎穎豈敢荒寧一日三省

於賈謐坐講漢書

治道在儒弘儒由人顯允魯侯文質彬彬筆下摛藻庶

四言古詩 卷十五 六十四
上敷珍前疑惟辨舊史惟新惟新爾史既辨爾疑延我
寮友講此微辭

北芒送別王世胄

朱鑣既揚四轡既整駕言餞行告離芒嶺情有遷延日
無餘影迴轅南翔心焉北騁

別詩

微微髮膚受之父母峨峨王侯中外之首子親伊姑我
父唯舅

離合

佃漁始化人民穴處意守醇樸音應律呂桑梓被源卉

木在野錫鸞未設金石拂舉害咎蠲消吉德流普谿谷
可安奚作棟宇嫣然以憲焉懼外侮熙神委命已求多
祜嘆彼季末口出擇語誰能默識一作言喪厥所龔畝
之諺龍潛巖阻思義崇亂少長失敘揚容姬難堪

七月七日侍皇太子宴玄圃

潘尼

商風初授辰火微流朱明送夏少昊迎秋嘉禾茂園芳
草被疇於時我后以豫以遊

釋奠詩

敦書講業研幾通理尊師重道釋奠崇祀德成教倫孰
云不祉

贈陸機出為吳王郎中令 六章

東南之美曩惟延州顯允陸生於今
一作鮮 儔振鱗南
海濯翼清流婆娑翰林容與墳丘

玉以瑜潤隨以光融乃漸上京羽
一作儀儲宮玩爾清
藻味爾芳風泳之彌廣挹之彌冲

崑山何有有瑤有珉及爾同僚具惟近臣予涉素秋子
登青春愧無老成廁彼日新

祁祁大邦惟桑惟梓穆穆伊人南國之紀帝曰爾諧惟
玉卿士俯僕從命奚恤奚喜

我車既巾我馬既秣星陳夙駕載脂載轄婉變二宮徘徊
殿闥醪澄莫饗孰慰饑渴

昔子忝私貽我蕙蘭今子徂東何以贈旃寸晷惟寶豈
無璵璠彼美陸生可與晤言

答陸士衡

顧茲蓬蔚厠根蘭陂膏澤雖均華不足披逮春不茂未
秋先萎子濯鱗翼我挫羽儀願言難常載合載離昔遊
禁闥祇畏夕惕今放丘園縱心夷易口詠新詩目玩文
跡予志耕圃爾勤王役慙無璵璠以訓尺璧

答傅咸詩

序曰司徒左長史傅長虞會定九品左
長史宜得其才屈為此職執天下清議
宰割百國而長虞性直而行或有不堪予與之
親作詩以規焉

四言古詩 卷十五
悠悠羣吏非子不整嗷嗷衆議非子不靖忽荷畧紐握
綱提領矯矯貞臣惟國之屏

周小史

張翰

翩翩周生婉孌幼童年十有五如日在東香膚柔澤素
質叅紅團輔圓頤齒齒芙蓉爾形既淑爾服亦鮮輕車
隨風飛霧流烟轉側倚靡顧盼一作便妍和顏善笑美
口善言

述懷

張載

跋跡山川千里告辭楊子哭岐墨氏感絲雲垂雨絕心
乎愴而

失題

江南郡蔗釀液豐沛三巴黃甘瓜州素奈凡此數品殊
美絕快渴者所思銘之常帶一有大谷石榴木滋之最
膚如凝脂汁如清瀨四句

關中詩

閻纘

周全其節令問不已身雖云歿書名良史

上巳會詩

阮修

三春之季歲惟嘉時靈雨既零一作零
雨既濛濛風以散之英華
扇耀祥鳥羣嬉澄澄綠水澹澹其波修岸逶迤長川相
過聊且逍遙其樂如何坐此修筵臨彼素流嘉肴既設
舉爵獻酬彈箏弄琴新聲上浮水有七德知者所娛清

瀨澆澗菱葭芬敷沈此芳鈎引彼潛魚委餌芳美君子
戒諸

三月三日

二首應詔

閻丘冲

暮春之月春服既成陽昇土潤冰渙川盈餘萌達壤嘉
木敷榮后皇宣遊既宴且寧光光華輦說說從臣微風
扇穢朝露翳塵上蔭丹幄下藉文茵臨川一作挹盥濯
故潔新俯鏡清流仰睇天津藹藹華林巖巖景陽業業
峻宇奕奕飛梁垂蔭倒景若沈若翔

浩浩白水汎汎龍舟皇在靈沼一作同遊擊擣清歌鼓
櫂行酬一作聞樂咸和具醉斯柔在昔帝虞德被遐荒

千戚在庭苗民

一作人

來王今我哲后古聖齊芳惠此中

國以綏四方元首既明股肱惟良樂酒今日君子惟康

一作樂只君子今日惟康

前題

王讚

招搖啓運寒暑代新疊疊不舍如彼行雲猗猗季月穆
穆和春皇儲降止宴及嘉賓嘉賓伊何具惟姻族如彼
葛藟衍于樛木郁郁近侍巖巖台嶽庶寮鱗次以崇天
祿如彼崑山列此琚玉巍巍天階亦降列宿右載元首
左光儲副大祚無窮天地為壽

侍皇太子宴始平王

山言古詩 卷十五
六十一
疊疊聖胤繼明重體繼此棠棣其甘如薺我有嘉宴以
洽百禮煌煌同族藹藹王僚惟中惟外如瓊如瑤湛湛
朝雲德靡不覆玄黃所綴文成綵繡政以神和樂以安
奏一人有慶萬邦是祐

侍皇太子祖道楚淮南二王

於明聖晉仰統天緒易以明險簡以識一作阻研彼羣
慮俾侯授土郁郁二王祇承皇命睹離鑒親觀禮知盛
皇儲降會延于公姓瞻彼行役並憇同林分塗殊軌靡
不廻心

太僕座上詩

孫楚

朝欽厥庸出尹京畿廻授太僕四牡駢駢綠耳盈箱翠
華歲蕤勳齊庭實增國之輝

答弘農故吏民

昔我先侯邁德垂化康哉之詠寔由良佐惟余忝辱弗
克負荷每歷貴邦仰瞻泰華追慕先軌感想哀嗟訛訛
臣故爰及羣士皓首老成率彼邑里闡崇高義長幼以
齒

祖道詩

仰天惟龍御地以驥利有攸往不期而至

除婦服詩

時邁不停日月電流神爽登遐忽已一周禮制未敘告
除靈丘臨祠感痛中心若抽

答棗腆

石崇

言念將別睹物傷情贈爾話言要在遺名惟此遺名可
以長生

答石崇

棗腆

昔我不造備嘗顛沛后土傾基皇天隕蓋少懷蒙昧長
無耿介遺訓莫聞出入靡賴我舅致命于彼徐方載詠
陟岡言念渭陽乃泝洪流沈身餘腥宵寢晨逝蜀路之
長亦既至止願言以寫爰有石侯作鎮東夏寬以撫戎
從容柔雅我聞有言居安思危位極則遷勢至必移上
德無欲貴道不為妙識先覺通夢皇義竊覩堂奧欽蹈
明規

答棗腆

歐陽建

於鑠我舅明德塞違俾扞東藩在徐之邳載播其惠載
揚其威濟寬以猛方夏以綏光啓先業增耀重暉咨余
冲人艱苦攸離過庭無聞頑固匪移寔賴茲誨導之軌
儀仰遵嘉訓俯蹈明規如葛斯蔓如樛斯垂我邁君子
仰之彌高巖巖其高卽之惟温居盈思冲在貴忘尊縱
酒嘉讌自明及昏無幽不研靡與不論人樂其量士感

其敦

啄木詩

左貴嬪

南山有鳥自名啄木
饑則啄樹暮則巢宿
無干於人唯志所欲
性清者榮性濁者辱

贈劉琨 二十章

盧湛

濬哲惟皇紹熙有晉
振厥弛維光闡遠韻
有來斯雍至止伊順
三台摘朗四岳增峻

伊陟佐商山甫翼周
弘濟艱難對揚王休
苟非異德曠世同流
加其忠貞宣其徽猷

伊謚陋宗昔邁嘉惠
申以婚姻著以累世
義等休戚好

同興廢孰云匪諧如樂之契

王室喪師私門播遷
望公歸之視險忽艱
茲願不遂中路阻顛
仰悲先意俯思身愆

大鈞載運良辰遂往
瞻彼日月迅過俯仰
感今惟昔口存心想
借口如昨忽為疇曩

疇曩伊何逝者彌疎
溫溫恭人慎終如初
覽彼遺音恤此窮孤
譬彼樛木蔓葛以敷

妙哉蔓葛得託樛木
葉不雲布華不星燭
承侔卞和質非荆璞
眷同尤良用乏驥驟

承亦既篤眷亦既親
飾獎駑猥方駕駿珍
弼諧靡成良

謨莫陳無覬狐趙有與五臣

五臣奚與契濶百罹

一作羅

身經險阻足蹈幽遐義由恩

深分隨昵加綢繆委心自同匪他

昔在暇日妙尋通理尤彼意氣狹是節士情以體生感

以情起趣舍同

一作同

要窮達斯已

由余片言秦人是憚日磬效忠飛聲有漢桓桓撫軍古

賢作冠來牧幽都濟厥塗炭

塗炭既濟寇挫民阜謬其疲隸授之朝右上懼任天下

欣施厚實祇高明敢忘所守

相彼反哺尚在翔禽孰是人斯而忍斯心每憑山海庶

覲高深遐眺存亡緬成飛沈

長徽已纓逝將徙

一作徒

舉收跡西踐銜哀東顧曷云塗

遼曾不咫尺豈不夙夜謂行多露

綿綿女蘿施于松標稟澤洪幹晞陽豐條根淺難固莖

弱易彫操彼纖質承此衝颺

織贊寔微衝颺斯值誰謂言精致在賞意不見得魚亦

忘厥餌遺其形骸寄之深識

先民願意潛山隱几仰熙丹崖俯澡綠水無求於和自

附衆美慷慨遐蹤有愧高旨

爰造異論肝膽楚越惟同大觀萬塗一轍死生既齊榮

辱奚別處其玄根廓焉靡結

福爲禍始禍作福階天地盈虛寒暑周迴夫差不祀釁
在勝齊句踐作伯祚自會稽

邈矣達度唯道是杖形有未泰神無不暢如川之流如
淵之量上弘棟滂下塞民望

答盧諶

八章

劉琨

厄運初邁陽爻在六乾象棟傾坤儀舟覆橫厲糾紛羣
妖競逐火燎神州洪流華域彼黍離離彼稷育育哀我
皇晉痛心在目

天地無心萬物同塗禍淫莫驗福善則虛逆有全邑義
無完都英藥夏落毒卉冬敷如彼龜玉韞櫝毀諸芻狗
之談其最得乎

咨余軟弱弗克負荷愆釁仍彰榮寵屢加威之不建禍
延凶播忠隕于國孝愆于家斯罪之積如彼山河斯釁
之深終莫能磨

郁穆舊姻嫵婉新婚不慮其敗唯義是敦裹糧攜弱匍

匐星奔未輟爾駕已隳

一作墮

我門二族偕覆三孽並根

長慙舊孤永負冤冤

亭亭孤幹獨生無伴綠葉繁縟柔條修罕朝採爾實夕
捋爾竿竿翠豐尋逸珠盈椀實消我憂憂急用緩逝將

去矣庭虛情滿

虛滿伊何蘭桂移植茂彼春林瘁此秋棘有鳥翻飛不
遑休息匪桐不棲匪竹不食永戢東羽翰撫西翼我之
敬之廢歡輟職

音以賞奏味以殊珍文以明言言以暢神之子之往四
美不臻澄醪覆觴絲竹生塵素卷莫啓幄無談賓既孤
我德又闕我鄰

光光段生出幽遷喬資忠履信武烈文昭旌弓駢駢輿
馬翹翹乃奮長縻是轡是鑣何以贈子竭心公朝何以
敘懷引領長謠

贈溫嶠

郭璞

人亦有言松竹有林及爾臭味異本同岑言以忘得交
以淡成同匪伊和惟我與生爾神余契我懷子情攜手
一豁安知塵冥

暨陽詩

北阜烈烈巨海混混壘壘三墳唯母與昆

洗藥池

葛洪

洞陰泠泠風珮清清仙居永劫花木長榮

登會稽刻石山

王處之

隆山嵯峨崇巒岩堯傍覲滄洲仰拂玄霄文命遠會風

淳道遼秦皇遐巡邁茲英豪宅靈基阿銘跡峻嶠青陽
曜景時和氣淳修嶺增鮮長松挺新飛鴻振羽騰龍躍
鱗

表哀詩

序曰天地之德曰生生之所恃者親親存則懼泰情盡親亡則哀悴理極故老萊婆

娒於膝下曾聞泣血於終年哀悼之思至矣自
然之性篤矣余以薄祜夙遭閔凶越在九齡嚴
考卽世未及志學過庭無聞天覆既淪俯憑坤
厚殖根外氏賴以成訓然以不才不能負荷仁
妣弘母儀之德邁榮寒之操雕琢固頑勉以道
義庶幾砥礪犬馬之報豈悟一朝復見孤棄上
天極禍怨痛莫訴皆由惡積咎深不能通感自
丁荼毒載離寒暑茵帷塵寂棟宇寥怳仰悲軌
迹長自矜悼不勝哀號作詩一首
敢冒諒闇之譏以申罔極之痛

孫綽

茫茫太極賦受理殊咨生不辰仁考宿

一作

徂微冲

弱眇眇偏孤叩心昊蒼痛貫黃墟肅我以義鞠我以仁
嚴邁商風恩洽陽春昔聞鄒母勤教善分懿矣慈妣曠
世齊運嗟予小子譬彼土糞俯愧陋質仰忝高訓悠悠
玄運四氣錯序自我酷痛載離寒暑寥寥空堂寂寂響
戶塵蒙几筵風生棟宇感昔有恃望晨遲顏婉變懷袖
極願盡歡柰何慈妣歸體幽挺酷矣痛深剖髓摧肝

三月三日

姑洗幹運首陽穆闡嘉卉萋萋溫風暖暖言滌長瀨聊
以游衍縹芹映流綠柳蔭坂羽從風飄鱗隨浪轉

孫登隱居詩

庾闡

靈巖霞蔚石室鱗構青松標空蘭泉吐漏龍薈可遊芳
 津可漱玄谷蕭寥鳴琴獨奏先生體之寂坐幽岸凝冰
 結樸熙陽靡煥潛真內全飛榮外散凌崖高嘯希風朗
 彈道有冥廢運有昏消達隱不巖玄跡不標或曰先生
 晦德逍遙稽子秀達英風朗烈道雋薰芳鮮不玉折兆
 動初萌妙鑿竒絕翹首丘冥仰想玄哲

從征行方頭山

袁宏

峩峩太行凌虛抗勢天嶺交氣窈然無際澄流入神玄
 谷應契四象悟心幽人來憇

蘭亭集詩

孫綽序曰古人以水喻性有言哉非所以淳之則清滌之則濁耶故振轡於朝

市則克誦之心生開步於林野則寥落之意興
 仰瞻羲唐逸然遠矣近咏臺閣頤探增懷聊于
 曖昧之中期乎瑩拂之道暮春之始襍于南澗
 之濱高嶺千尋長湖萬頃乃藉芳草鑑清流覽
 卉物觀魚鳥具類同榮資生成暢於是和以醇
 醪齊以達觀快然兀矣焉復覺鵬鷗之二物哉
 耀靈縱轡急景西邁樂與時去悲亦系之往復
 推移新故相換今日之迹明復陳矣原詩人之
 致興諒歌咏之有由文多不載大畧如此所賦
 詩亦裁而綴之如四言五言焉

右將軍王羲之

代謝鱗次忽焉以周欣此暮春和氣載柔詠彼舞雩異
 世同流廼攜齊契散懷一丘

瑯琊王友謝安

伊昔先子有懷春遊契茲言執寄傲林丘森森蓮領茫

四言古詩 卷十五 七十一
茫原疇迥霄垂霧凝泉散流

司徒右西屬謝萬

肆眺崇阿寓目高林青羅翳岫修竹冠岑谷流清響條
鼓鳴音玄嘒吐潤霏霧成陰

前餘姚令孫統

茫茫大造萬化齊軌罔悟云一作玄同競異標旨平勃運

謀黃綺隱几况我仰希期山期水

左司馬孫綽

春詠登臺亦有臨流懷彼伐木宿一作肅此良儔修竹蔭

沼旋瀨縈丘穿池激湍連濫觴舟

穎川庾友

馳心域表寥寥遠邁理感則一冥然斯會

上虞令華茂

林榮其鬱浪激其隈汎汎輕觴載欣載懷

陳郡袁嶠之

人亦有言得意則歡佳賓卽臻相與遊盤微一作音迭

詠馥焉若蘭苟齊一致遐想揭竿

王凝之

莊浪濠津巢步穎湄冥心真寄千載同歸

王徽之

四言古詩 卷十五 十七
散懷山水蕭然忘羈秀薄粲穎疎松籠崖遊羽扇霄鱗
躍清池歸日寄歡心冥二奇

王肅之

在昔暇日味存林嶺今我斯遊神怡心靜

王彬之

丹崖竦立葩藻映林淥水揚波載浮載沈

行叅軍王豐之

肆盼巖岫臨泉濯趾感興魚鳥安居幽時

行叅軍徐豐之

俯揮素波仰掇芳蘭尚想嘉客希風永歎

停雲

四章思親友也罇湛新膠園列初榮願言不從歎息彌襟

陶淵明

靄靄停雲濛濛時雨八表同昏平路伊阻靜寄東軒春
醪獨撫良朋悠邈搔首延佇

停雲靄靄時雨濛濛八表同昏平陸成江有酒有酒閒
飲東窻願言懷人舟車靡從

東園之樹枝條再榮競用新好以招余情人亦有言曰
月于征安得促席說彼平生

翩翩飛鳥息我庭柯歛翮閒止好聲相和豈無他人念
子實多願言不獲抱恨如何

時運

四章遊暮春也春服既成景物斯和偶影獨遊欣慨交心

邁邁時運穆穆良朝襲我春服薄言東郊山滌餘霽宇
曖微霄有風自南翼彼新苗

洋洋平津乃漱乃濯邈邈遐景載欣載矚稱心而言人
亦易足揮茲一觴陶然自樂

延目中流悠悠清沂童冠齊業閒詠以歸我愛其靜寤
寐交揮但恨殊世邈不可追

斯晨斯夕言息其廬花藥分列林竹翳如清琴橫牀濁
酒半壺黃唐莫逮慨獨在予

榮木

四章念將老也日月推遷已復有夏總角聞道白首無成

采采榮木結根于茲晨耀其華夕已喪之人生若寄顛

顛有時靜言孔念中心悵而

采采榮木于茲托根繁華朝起慨暮不存貞脆由人禍

福無門匪道曷依匪善奚敦

嗟予小子稟茲固陋徂年旣流業不增舊志彼弗舍安

此日富我之懷矣怛焉內疚

先師遺訓余豈云墜四十無聞斯不是畏脂我名車策

我名驥千里雖遙孰敢不至

歸鳥

四章

翼翼歸鳥晨去于林遠之八表近憩雲岑和風不洽翻

翻求心願儔相鳴景庇清陰

翼翼歸鳥載翔載飛雖不懷遊見林情依邁雲頡頏相
鳴而歸遐路誠悠性愛無遺

翼翼歸鳥馴林徘徊豈思天路欣及舊棲雖無昔侶衆
聲每諧日夕氣清悠然其懷

翼翼歸鳥戢羽寒條遊不曠林宿則森標晨風清興好
音時交贈繳奚施已卷安勞

贈長沙公族祖

四章長沙公於余爲族祖同出大
司馬昭穆既遠已爲路人經過潯

陽臨別贈此

同源分流人易世疎慨然寤歎念茲厥初禮服遂悠歲
月眇徂感彼行路眷然躊躇

於穆令族允構斯堂諧氣冬暄映懷圭瓊爰采春花載
警秋霜我曰欽哉實宗之光

伊余云邁在長忘同笑言未久逝焉西東遥遥三湘滔
滔九江山川阻遠行李時通

何以寫心貽此話言進篋雖微終焉爲山敬哉離人臨
路悽然欵襟或遼音問其先

答龐參軍

六章龐爲衛軍參軍從江陵使上都過
潯陽見贈

衡門之下有琴有書載彈載詠爰得我娛豈無他好樂
是幽居朝爲灌園夕偃蓬廬

人之所寶尚或未珍不有同愛云胡以親我求良友寔

靚懷人懽心孔洽棟宇惟隣

伊余懷人欣德孜孜我有旨酒與汝樂之乃陳好言乃

著新詩一日不見如何不思

嘉遊未斲誓將離分送爾于路銜觴無欣依依舊楚邈

邈西雲之子之遠良話曷聞

昔我云別倉庚載鳴今也遇之雪霰飄零大藩有命作

使上京豈忘宴安王事靡寧

慘慘寒日蕭蕭其風翩彼方舟容齋江中一作容與中勗哉

征人在始思終敬茲良辰以保爾躬

酬十柴桑 二章

有客有客爰來爰止秉直司聰于惠百里餐勝如歸

善若始

匪惟諧也屢有良由載言載眺以寫我憂放歡一遇既

醉還休寔欣心期方從一作我遊

勸農 六章

悠悠上古厥初生民傲然自足抱朴含真智巧既萌資

待靡因誰其瞻之實賴哲人

哲人伊何時惟后稷瞻之伊何實曰播殖舜既躬耕禹

亦稼穡遠若周典八政始食

熙熙令音猗猗原陸卉木繁榮和風清穆紛紛士女趣

一作趨時競逐桑婦宵征農夫野宿

氣節易過和澤難久冀缺攜儷沮溺結耦相彼賢達猶勤壟畝矧伊衆庶曳裾拱手

民生在勤勤則不匱宴安自逸歲暮奚冀儋石不儲饑寒交至顧爾儔列能不懷愧

孔耽道德樊須是鄙董樂琴書田園不履若能超然投迹高軌敢不歛衽敬讚德美

命子 十章

悠悠我祖爰自陶唐邈爲虞賓歷世重光御龍勤夏豕韋翼商穆穆司徒厥族以昌

紛紛戰國漠漠衰周鳳隱于林幽人在丘逸蚪遶一作

雲奔鯨駭流天集有漢眷予愍侯

於赫愍侯運當攀龍撫劍夙邁顯茲武功書一作誓山

河啓土開封臚臚丞相允迪前蹤

渾渾長源蔚蔚洪柯羣川載導衆條載羅時有語默運

因隆窠在我中晉業融長沙

桓桓長沙伊勲伊德天子疇我專征南國功遂辭歸臨

寵不忒一作感孰謂斯心而近可一作得

肅矣我祖慎終如始直方二臺惠和千里於皇仁考淡

焉虛止寄迹風雲寘茲愠喜

嗟予寡陋瞻望弗及一作靡顧慙華鬢負影隻立三千之

罪無後為其一作急我誠念哉呱聞爾泣

卜云嘉日占亦良時名汝曰儼字汝一作爾求思溫恭朝

夕念茲在茲尚想孔伋庶其企而

厲夜生子遽而求火此百有心奚特于我既見其生實

欲其可人亦有言斯情無假

日居月諸漸免于孩福不虛至禍亦易來夙興夜寐願

茲斯才爾之不才亦已焉哉

後齊詩

理不孤清影此有津曾是名岳明秀超鄰器栖荒外命

契響神我之懷矣巾駕飛輪

後齋詩

湛方生

解纓復褐辭朝歸藪門不容軒宅不盈畝茂草籠庭滋

蘭拂牖撫我子姪攜我親友茹彼園蔬飲此春酒開櫺

攸瞻坐對川阜心焉孰託託心非有素構易抱玄根難

朽卽之匪遠可以長久

廬山神仙詩

序曰潯陽有廬山者盤基彭蠡之西其崇標峻極辰光隔輝幽澗澄深積

清百仞若乃絕阻重險非人跡之所遊窈窕冲深常含霞而貯氣真可謂神明之區域列真之

苑囿矣太元十一年有樵採其陽者于時鮮霞

塞林傾暉映岫見一沙門披法服獨在巖中俄頃振裳揮錫凌崖直上排丹霄而輕舉起九折而一指既白雲之可乘何帝鄉之足遠哉窺目

蒼蒼翳然滅跡詩曰

吸風玄圃飲露丹霄室宅五岳賓友松喬

答賀蜡

正元二年冬臘家君在陳郡余別在國舍不得集會弟廣平作詩以貽余余答之曰

江偉

蜡節之會廓焉獨處晨風朝興思我慈父我心懷戀運

首延佇

念佛三昧詩

四首

王齊之

妙用在幽

一作茲

涉有覽無神由昧徹識以照龐積微自

引因功本虛泯彼三觀忘此毫餘

寂漠何始哩玄通微融然忘適乃廓靈暉心悠

一作游 綱

域得不踐機用之以沖會之以希

神資天疑圓映朝雲與化而感與物斯羣應不以方受

者自分寂爾淵鏡金水塵紛

慨自一生夙乏惠識託崇淵人庶藉冥力思轉毫功在

深不測至哉之念主心西極

題宋織石壁

馬岌

丹崖百丈青壁萬尋竒木蓊鬱蔚若鄧林其人如玉維

國之琛室邇人遐實勞我心

宋

贈潘綜吳達舉孝廉

六章

王韶之

東寶惟金南木有喬發輝曾崖竦幹重霄美哉茲土世
載英髦育翮幽林養音九臯

唐后明敷漢宗蒲輪我皇降鑒思樂懷人羣臣競薦舊
章惟新余亦奚貢曰義與仁

仁義伊在惟吳惟潘心積純孝事著艱難投死如歸淑
問若蘭吳實履仁心力偕單固此苦節易彼歲寒霜雪
雖厚松栢九九

人亦有言無善不彰二子微猷彌久彌芳拔叢出類景
行朝陽誰謂道遐弘之則光咨爾庶事無然怠荒

江革奉摯慶祿是荷姜詩入貢漢朝咨嗟勗哉行人敬

爾休嘉俾是下國炤輝京華

伊余朽駘竊服懼盜無能禮樂豈暇聲教順彼康夷懿
德是好聊綴所懷以贈二孝

皇太子釋奠會作

九章

顏延之

國尚師位家崇儒門稟道毓德講藝立言浚明爽曙達
義茲昏永瞻先覺顧惟後昆

大人長物繼天接聖時屯必亨運蒙則正偃閉武術闡
揚文令庶士傾風萬流仰鏡

虞庠飾館睿圖炳晬懷仁憬集抱智麇至踵門陳書躡
屨獻器澡身玄淵宅心道秘

伊昔周儲聿光往記思皇世哲體元作嗣資此夙知降
從經一作繼志邊彼前文規周矩值

正殿虛筵司分簡日尚席函丈丞疑奉帙侍言稱辭悖
史秉筆妙識幾微王載有述

肆一作肆議芳訊大教克明敬躬祀典告奠聖靈禮屬觀
盥樂薦歌笙昭事是肅俎實非馨

獻終襲吉卽宮廣讌堂設象筵庭宿金懸台保兼徽皇
戚比彥肴乾酒澄端服整弁

六官視命九賓相儀纓笏帟序巾卷克街都莊雲動野
馘風馳倫周伍漢超哉邈猗

清輝在天容光必照物任其情理宣其奧妄先國曾創
聞邦教徒愧微冥終謝智效

三月三日詔宴西池

河嶽曜圖聖時利見於赫有皇升中納禪載貞其恒載
通其變大哉人文至矣天睠昭哉儲德靈慶攸繁明兩
紫宸景物乾元帝宗菴藹惟城惟藩袞衣善職彤弓受
言飾館春宮稅鑣青輅長筵逶迤浮觴泝沂

讌曲水

八章應詔

道隱未形治彰既亂帝迹懸衡皇流共貫惟王創物永
錫洪筭仁固開周義高登漢

祚融世哲業光列聖太上正位天臨海鏡制以化裁樹
之形性惠浸萌生信及翔泳

崇虛非徵積實莫尚豈伊人和寔靈所貺日完其朔月
不掩望航琛越水輦費踰嶂

帝體麗明儀辰作貳君彼東朝金昭玉粹德有潤身禮
不愆器柔中淵映芳猷蘭祕

昔在文昭今惟武穆於赫王宰方且居叔有晬敷蕃爰
履奠牧寧極和鈞屏京維服

朏魄雙交月氣參變開榮灑澤舒虹爍電化際無間皇
情爰眷伊思鍋飲每惟洛

郊餞有壇君舉有禮幙帷蘭甸畫流高陸分庭薦樂析
波浮醴豫同夏諺事兼出濟

仰閱豐施降惟微物三妨儲隸五塵朝黻途泰命屯恩
克報屈有悔可悛滯瑕難拂

為皇太子侍宴餞衡陽南平二王

應詔

大儀在御皇聖居貞旁緝民紀仰緯天經物資感變神
以瑞彤川無遁寶山不闕靈亦旣戒裝皇心載遠夕悵
亭臯晨儀禁苑神行景鶩發自靈闡對宴感分瞻秋悼
晚

三月三日侍宴西池

謝靈運

詳觀記牒鴻荒莫傳降及雲鳥曰聖則天虞承唐命周
襲商艱江之永矣皇心惟眷矧乃暮春時物芳衍濫觴
逶迤周流蘭殿禮備朝容樂闋夕宴

贈顧墨曹

鮑照

昏明易遠離會難揆雲轍泉分西牖東軌

井字謎

二形一體四支八頭四八一八飛泉仰流

土字謎

乾之一九隻立無偶坤之二六宛然雙宿

從武帝平閩中

傅亮

鞠旅揚城大蒐徐方旆旌首路元戎啓行弭一作楫擊
河總轡崇岡

從征

息徒西楚佇楫舊鄉止猶嶽立動則雲翔烈烈羣師星
言啓行汎舟掩河秣馬登芒

遊羅浮山

王叔之

菴藹靈嶽開景神封綿界盤址中天舉峯孤樓側挺層
岫迴重風雲秀體卉木媚容

詠椅桐

伏象之

亭亭椅桐鬱茲庭園翠條疎風綠柯蔭宇

釋奠詩

王僧達

時泰道暢禮備樂修啓庠選俊博教深求異人鱗萃淑
美雲浮師尊訓浹嘉敬載柔

齊

侍皇太子釋奠宴

竟陵王子良

霜輕流日風送夕雲雕檐結綵綺井生文四璉合旨八
簋舒芬

九月侍宴

月殿風轉層臺氣寒高雲歛色遙露已團式詔司警言
戾秋巒輕觴時薦落英可餐

侍皇太子釋奠宴

王儉

禮惟國幹義實民端身由業澡世以教安金鎔乃器水
術伊瀾漸芳則馥履冰固寒瞽宗務時頽宮善誘咨此
舍生躋彼仁壽淳移雅缺歷茲永久遊藝莫師獨學誰
友三兆戒辰八鸞警旦風動高宮雲棲叅館禮邁仁周
樂超英漢神保爰格祝史斯贊鬱鬯既終德馨是與降
冕上庠升宴東序槐宰金貞藩維玉譽時彥莘莘國胄
楚楚

侍太子九日宴玄圃

明明儲后冲默其量徘徊禮樂優游風尚微言外融幾

神內王就日齊暉儀雲等望本茂條榮源澄流潔漢稱
間平周云魯衛咨我藩華方軼前軌秋日在房鴻鴈來
翔寥寥清景靄靄微霜草木搖落幽蘭獨芳眷言淄苑
尚想濠梁既暢旨酒亦飽徽猷有來斯悅無遠不柔

贈徐孝嗣 二首

婉婉遊龍載遊載東靡靡行雲並躍齊蹤無類不感有
來斯雍之子云邁嗟我莫從歲云暮止述職戒行崇蘭
罷秀孤松獨貞悲風宵遠乘鴈晨征撫物遐想念別書
情
方軌叔茂追清彥輔柔亦不茹剛亦不吐

贈族叔衛軍

王融

台曜澄華鉉岳裁峻經天為象麗地作鎮不器其德有
斐斯文質超瑚璉才逸卿雲播筆泉瀉動詠翼紛德馨
伊何如蘭之宣貞筠抽箭潤壁懷山六樂畢該五禮備
貫七訓是敷三英有粲惟且惟公惟公惟且

侍宴華光殿曲水奉勅為皇太子作 九章

謝朓

旁求邃古逖聽鴻名大寶曰位得一為貞朱禘叶祉綠
字摛英升配同貫進讓殊聲

大橫將屬會昌已命國步中徂宸居膺慶璽劍先傳龜

玉增映宗堯有緒復禹無競

禮行郊社人神受職寶效山川鱗羽變色玄塞北靡丹

徼南極浮毳駕風非

飛一作

泳非

登一作

陟

能官民秀利建天跼駉列野營絳分區論思帝則獻

納宸樞麟趾方定鵜翼誰濡

西京藹藹東都濟濟秋祓濯流春襍浮醴初吉云獻上

除方啓昔駕陽穎今帳雲陛

嘉樂舊矣芳宴在斯載留神矚有睟天儀龍精已映威

仰未移葉依黃鳥花落春池

高殿弘敞禁林稠密青磴崛起丹樓間出翠葆隨風金

戈動日惆悵清管徘徊輕佻

灞漭入筵河淇流昨海

一作

若

一作

來往觴肴泔泝歡

飫有終

終一作

清光欲暮輕貂回首

道一作

華組徐步

登賢博望獻賦清漳漢貳稱敏魏兩垂芳監撫有則七

鬯無方瞻言守器永愧元良

三日侍華光殿曲水宴

十章代人應詔

羣分未辨類聚茲式天睠休明且求至德御繁實簡制

動惟默官府百王衣裳萬國

中葉遭閔副內多違悠悠靈貺爰有適歸於昭睿后撫

運天飛疑居中縣神動外畿

懸象著明離光乃位我有儲德徽猷淵備長壽察書龍
樓迴轡重道上庠行遵儒肆

朝陽有幹布葉萋萋思皇威矣鵷羽高棲出馳先輅入
秉介珪瞻秦望井建魯分奎

求賢每勞得士方逸有覺斯順無文咸秩萬箱惟重百
鍤載卹屈草戒諛階莫紀日

文教已肅武節旣馳榮光可照合璧如規載懷姑射尚
想瑤池濯龍乃飾天淵在斯

作樂順動實符時義上春初吉亦留淵寄紅樹巖舒青
莎水被雕梁虹拖雲薨鳥跂

高懸甲帳周褰黼帷長筵列陛激水旋墀浮醪聚蟻靈
蔡呈姿河宗躍踢海介夔跣

弱腕纖腰遷延妙舞秦箏趙瑟殷勤促柱降席連綏稱
觴接武稽首萬年獻茲多祐

天地旣成泉流旣清薄暮沾幸屬奉文明將標齊配刻
掃秦京願馳龍漠飲馬懸旌

前題 九章代人應詔

神理內寂機象外融遺情汾水垂冕鴻宮樹以司牧匪
我求蒙徒勤日用誰契玄功

往晦必明來碩資蹇於皇克聖時乘御辯寶曆載暉瑤

光重踐昭昭舊物熙熙遷善

當宁日昃求衣未明抵壁焚翠銷劍墮城九疇式序三

辟載清虞箴罔闕矇奏傳聲

麗景則春儀方在震重聖積厚金式瓊潤天爵必諧王

臣咸蓋譬諸華霍惟邦之鎮

正朔葱瀚冠冕叩越爭長明堂相超魏闕龜蒙南薦環

裘西發巢閣易窺馴庭難狝

上巳惟昔于彼袂流祓穢河澣張樂春疇既停龍駕亦

泛鳧舟靈宮備矣無待茲遊

初鷺命曉朝霞開夜飾陞道源迴伊流灞極望天淵曲

阻亭榭開館巖敞長廊水架

金觴搖蕩玉俎推移筵浮水豹席擾雲螭寥亮琴瑟噉

吡塤箎歡茲廣讌穆穆天儀

周道如砥康衢載直徒愧玄黃負恩無力華幡徒駕長

纓未飾相彼失晨寧忘鼓翼

贈庾易

袁彖

白日清明青雲遼亮昔聞巢許今覩臺尚

梁

示徐州弟

昭明太子統

宴君晝室靖眺銅池三墳既覽四始兼摛高宇既清虛

堂復靜義府載陳玄言斯逞

侍皇太子曲水宴

序曰周成洛邑自流水以禳除

禮具義舉咨知重規昭動神明雍熙鍾石者也
皇太子生知上德英明在躬智湛靈珠辯均河
注騰茂實於三善振嘉聲於八區是節也上巳
屬辰餘萌達壤舍庚應律女夷司候爾乃分階
樹羽疏泉泛爵蘭觴沿沂蕙肴來往賓儀式序
盛德有容吹發孫枝聲流懈谷舞艷七盤歌新
六變遊雲駐彩仙鶴來儀都人野簡文帝
老雲集霧會結軫方衢飛軒照日

震德叶靈年芳節淑濯伊臨灞蕩心愉目驤騎晨野縱
金曉陸蕙氣卷旌神颺擊轂層岑偃蹇聳觀岩堯烟生
翠幕日照綺寮銀華晨散金芝暮搖綠水動葉丹距映
條顧惟菲薄徒承恩裕藝學未優聲績不樹豈辯河書

寧摛淮賦徒偶羣龍終慚並馭

九日侍皇太子樂遊苑

離光麗景神英春裕副極儀天金鏘玉度監撫昭明善
物宣布惠潤崑瓊澤熙垂露秋晨精曜駕動宮闈露點
金節霜沈玉璣玄戈側影翠羽翻暉庭迴鶴蓋水照犀
衣蘭羞薦俎竹酒澄芬千音寫鳳百戲承雲紫燕躍武
赤兔越空橫飛鳥箭半轉虵弓

應令詩

微軀多幸接萼嘉運紫幄承慈青衿稟訓傍玉流温依
蘭染薰百氏既洽六義乃摛辭河瀉潤高論忘疲翠幕

晨宇朱花夜池窻斜八綺燈懸百枝

愍亂詩

瞻彼阪田嗟斯氛霧謀之不臧褰我王度

侍皇太子釋奠宴

沈約

尊學尚矣道亦遐哉啓圖觀祕闢苑興才事高東序義
邁雲臺峩峩德傅灼灼英台復禮曲臺反樂宣榭闕文
內舉輜軒外駕結朋千里從師百舍墜典必修闕祀咸
薦迴鸞獻爵縱金委奠肆士辨儀胥人掌縣髣髴神蹤
徘徊靈睭

為南郡王侍皇太子釋奠宴

二首

陵季相沿訓隨世殆政缺雅乖風漓化改禮亡衽席樂
沈河海三雍靡構四教誰采瞻震並峻義屬重麗橫書
清道晦彼生知

義重師匡業貴虛受襄野順風西河杜帚表跡虧光降
情迴首道御百靈神行萬有尊學尚矣繼列傳徽旗章
或舛茲道莫違自堂及室異軫同歸洋洋聖範楚楚儒

衣

三日侍鳳光殿曲水宴

應制

光遲蕙畝氣婉椒臺皇心愛矣帝曰遊哉玉鸞徐鶩一作
翠鳳輕迴別殿廣臨離宮洞啓川祗奉壽河宗相禮

清洛漸筵長伊流陞洞盪嘉羞搖漾芳醴輕歌易繞弱
舞難持素雲留管玄鶴停絲引思爲歲歲亦陽止叨服
賁身身亦昌止徒勤丹漆終愧文梓

九日侍宴樂遊苑

憑玉宅海端展御天止流飛壑靜震騰川凝神貫一作貴

極摘道漏泉西裘委衽南風在絃暮芝始綠年桂初丹
上林葉下滄池水寒霜霑玉樹鴈動輕瀾停蹕玉陛徙
衛璿墀瑀箱鳳絲羽蓋鸞姿虹旌迢遞翠華歲徂禮弘
灞內義高洛湄

爲臨川王九日侍太子宴

涼風北起高鴈南翻葉浮楚水草折梁園淒涼霜野惆
悵晨鷗雲輕寒樹日麗秋原三金廣設六羽高陳寒英
始獻涼耐初醇靡靡神襟鏘鏘羣彥思媚儲猷洽和奉
宴恩暢蘭席歡同桂殿景遽樂推臨風以眷麗景天枝
位非德舉任伍辰階祚均河楚負嶽未勝瞻雲難侶望
古興惕心焉載佇

九日侍宴樂遊苑

丘遲

朱明已謝蓐收司禮爰理秋袂備揚旌祭奉璋莪莪金
貂濟濟上林弘敞離宮非一綵殿迴風丹樓映日隨珠
甲帳屯衛周悉睟容徐動天儀澄謐雲物游颺光景高

麗枯葉未落寒花委砌絲桐激舞楚雅闌慧參差繁響
殷勤流詣

為王嫡子侍皇太子釋奠宴

任昉

在昔歸運阻亂弘多夷山製宇盪海為家風雲改族日
月增華欽聖茲遠懷道茲冲踐言動俗果行移風進往
一簣啓或三蒙水實因水金亦在鎔惟神知化在物立
言樂正雅頌咸被後昆告奠明祀觀道聖門日月不息
師表常尊

贈王僧孺

惟子見知惟余知子觀行視言要終猶始敬之重之如

蘭如芷形應影隨曩行今止百行之首立人斯著子之
有之誰毀誰譽修名既立老至何遽誰其執鞭吾為子
御劉畧班藝虞志荀錄伊昔有懷交相欣勗下帷無倦
升高有屬嘉爾晨燈惜余夜燭

答劉居士

君子之道亦有其四高行絕俗盛德出類才同文錦學
非書肆望之可階即之難至輟精天理躔象少微人與
俗異道與人違庭飛熠燿室滿伊威行無轍跡理絕心
機

侍宴餞臨川王北伐

應詔

王筠

金版韜英玉牒蘊精帝德乃武王威有征軒習弧矢夏
陳干戚周驚戎車漢馳羽檄我皇俊聖千年踵武德洞
十一作門威加入柱金正圯德水行失道胡馬南牧戎
徒西保荐食伊瀝整居豐鑄金關一作閣揚塵銅臺茂草
命彼膳夫爰詔協律樂賦出車絃操吉日玉饌駢羅瓊
漿泛溢聖德温温賓儀秩秩

詠風

劉孝綽

嫋嫋秋聲習習春吹鳴茲玉樹渙此銅池羅幃自舉襟
袖乃披慙非楚侍濫賦雄雌

重光詩

儲后宣制義山

劉孝威

赫赫重光明明二聖帝作儲述禮和樂正中衢置樽高
堂懸鏡其酌不窮其明逾盛德音孔昭民胥攸詠明明
二聖赫赫重光風神灑落容止汪洋瞻彼談扇載抑載
揚何斯天辯如圭如璋顏閔南席游夏升堂以卿以士
惟公惟王思媚儲后顧哉樂康芄芄黍苗陰雨膏之洗
洗纓冕儲王導之道之以禮齊之以仁禮則探聖言則
窮神訓于四國覃于萬民

侍宴樂遊林光殿曲水

蒸哉軒頊赫矣堯心女媧補石重華絜一作兼金湯羅禹
扇羲瑟農琴皇乎備矣受命君臨試舟五反和樂九成

鈎楯秘戲協律新聲丹杯水激縫綵葩榮天吳還往海
若逢迎

陳

和張湖熟霄詩

陸瓊

惟徵動羽惟陰脅陽雨水作沴凝氣爲祥

北魏

贈高允 十二章

宗欽

崑峩恒嶺滉瀆滄溟山挺其和水耀其精啓茲令族應
期誕生華冠衆彥偉邁羣英
於穆吾子含貞藉茂如彼松竹豐味擢秀味老思冲翫

易體復戢翼九臯聲溢宇宙

我皇龍興重離疊映剛德外彰柔明內鏡乾象奄氣坤
厚山競風無殊音俗無異徑

經緯曰文著述曰史斟酌九流錯綜幽旨帝用疇諮明
發虛擬廣闢四門披延髦士

爾應其求翰飛東觀口吐瓊音手揮霄翰彈毫珠零落
紙錦粲墳無疑割典無滯泮

山降則謙含柔爲信林崇日漸明升斯進有邈夫子兼
茲四慎弱而難勝通而不峻

南董邈矣史功不申固傾佞竇雄穢美新遷以陵腐豈

由卓泯時無逸勒路盈摧輪

尹佚謨周孔明述魯抑揚羣致憲章三五昂昂高生纂
我遐武勿謂古今建規易矩

自昔索居沈淪西藩風馬旣殊標榜莫緣開通有運閭
遇當年披衿暫面定交一言

諮疑祕省訪滯京都水鏡叔度洗吝田蘇望儀神婉卽
象心虛悟言禮樂採研詩書

履霜悼遷撫節感變嗟我年邁迅踰激電進乏由賜退
非同憲素髮掩玄枯顏落舊

文以會友友由知己詩以明言言以通理盼坎迷流覲

良聞止伊爾虬光肆鱗曲水

答宗欽

十三首

高允

湯湯流漢藹藹南都載稱多士載耀靈珠邈矣高族世
記丹圖啓基郢城振彩涼區

吾生朗到誕發英風紹熙前緒奕世克隆方圓備體淑
德斯融望傾羣雋響駭華戎

響駭伊何金聲允著匡贊西藩拯厥時務肅志琴書恬
心初素潛思淵渟秀藻雲布

上天降命祚鍾有代協耀紫宸與乾作配仁邁春陽功
隆覆載招延隱叟永貽大賚

四言古詩 卷十五
伊余櫟散才至庸微遭緣幸會忝與樞機竊名華省厠
足丹墀愧無螢燭少益天暉
明升非論信漸難兼體卑處下豈曰能謙進不弘道退
失淵潛既慚朱闕亦愧閭閻
史班稱達楊蔡致深負荷典策載蹈於心四轍同軌覆
車相尋敬承嘉誨永佩明箴
遠思古賢內尋諸已仰謝丘明長揖南史遐武雖存高
蹤難擬夙興夕惕豈獲恬止
世之圯矣靈運未通風馬殊隔區域異封有懷西望路
險莫從玉澤遠灑九服來同

在昔平吳二陸稱寶今也尅涼吾生獨矯道映儒林義
爲羣表我思與之均於紵編

仁乏田蘇量非叔度韓生屬降林宗仍顧千載曠遊邁
茲一遇藻詠風流鄙心已悟

年時迅邁物我俱逝任之斯通擁之則滯結駟貽塵屢
空亦敝兩間可守安有回賜

詩以言志志以表丹慨哉刎頸義已中殘雖曰不敏請
事金蘭爾其勵之無忘歲寒

詠貞婦彭城劉氏

八章

兩儀正位人倫肇甄爰制夫婦統業承先雖曰異族氣

猶自然生則同室終契黃泉

封生令達卓為時彥內協黃中外兼三變誰能作配克
應其選寔有華宗挺生淑媛

京野勢殊山川乖互乃奉王命載馳在路公務既弘私
義獲著因媒致幣邁止一幕

率我初冠眷彼弱笄形由禮比情以趣諧忻願難常影
跡易乖悠悠言邁戚戚常懷

時值一作險屯橫離塵網伏鎖就刑身分土壤千里雖
遐應如影響良嬪洞感發於夢想

仰惟親命俯尋嘉好誰謂會淺義深情到畢志守窮誓

不二醮何以驗之殞

人之處世孰不厚生必存於義所重則輕結憤鍾心甘
就幽冥永捐堂宇長辭母兄

茫茫中野翳翳孤丘葛藟冥蒙荆棘四周理苟不昧神
必俱游異哉貞婦曠世靡儔

贈李寶

七章

段承根

世道衰陵淳風殆緬衢交問鼎路盈訪璽狗競爭馳天
機莫踐不有真宰榛棘誰翦

於皇我后重明襲煥文以息煩武以靜亂剖蚌求珍搜
巖采榦野無投綸朝盈逸翰

自昔涼季林焚淵澗矯矯公子鱗羽靡託靈慧雖奮袂
 氛未廓鳳戢崑丘龍潛玄漠以九數不常擾艱極則夷奮翼幽裔翰飛京師珥蟬紫闥仗
 節方畿弼我王度庶績緝熙節自余幽淪眷叅舊契庶庇餘光優游卒歲忻路未淹離
 轡已際顧難分岐載張載繼聞諸交舊累聖疊曜淳源雖漓民懷餘劭思樂哲人靜
 以鎮躁藹彼繁音和此清調詢下曰文辯訐曰明化由禮治政以寬成勉崇仁教播
 德簡刑傾首景風遲聞休聲

刺讒詩

陽固

巧佞巧佞一作巧讒言興今營營習習似青蠅兮以白
 為黑在汝口兮汝非蝮蠱毒何厚兮巧佞巧佞一何工
 矣伺間伺忿言必從矣朋黨噂喑自相同矣浸潤之譖
 傾人墉矣成人之美君子貴焉攻人之惡君子愧一作耻
 焉汝何人斯譖毀日繁予實無罪何騁汝言一作汝番一作
 番緝緝讒言側入君子好讒如或弗及天疾讒說汝其
 至矣無妄之禍行將及矣泛泛游鳧弗制弗拘行藏之
 徒或智或愚維余小子一作人未明茲理毀與行俱言與
 讒起我其懲矣我其悔矣豈求人兮思一作忠怨在已

疾倖詩

彼諂諛兮人之蠹今刺促昔粟罔顧耻辱以求媚兮邪
干側入如恐弗及以自容兮志行偏小好習不道朝挾
其車夕承其輿或騎或徒載奔載趨或言或笑曲事親
要正路不由邪徑是蹈不識大猷不知話言其朋其黨
其徒實繁有詭其行有佞其音遽蔭戚施邪媚是欽既
讒且妒以逞其心是信是任亂是一作敗其以多其始不慎
未如之何習習宰詒營營無極梁丘寡智王鮒淺識伊
矣息夫異世同力江克趙高甘言似直豎刁上官擅生
羽翼乃如之人僭爽其德豈徒喪邦又亦覆國嗟爾中

下其親其昵不謂其非不覺其失好之有年寵之有日
我思古人心焉若疾百凡君子宜其慎矣覆車其一作
鑒近可信矣言既備矣事既至矣反是不思維塵及矣

釋奠詩

袁曜

南庠貴齒東學尚親卑躬下問降禮師臣圓冠濟濟方
領恂恂 肄業既終舍奠爰始韶音遞奏笙鏞間起茨
夏悒悒粹容豐豐德奢并慙陳信焉耻

筮謎

亡名氏

眠則俱眠起則俱起貪如豺狼賊不入已

俱一作同

北齊

後園陪宴

張宴之

天下有道主明臣直雖休勿休永貽世則

雙聲詩戲答外兄崔巖

魏收

顏巖腥瘦是誰所生羊願狗頰頭團鼻平飯房苓龍著

孔嘲玎

隋

宴秦孝王于并州作

文帝

紅顏詎幾玉貌須臾一朝花落白髮難除明年後歲誰

有誰無

補遺

詩二首

漢孔子豐

君子樂讌小人擊拊雖不足貴亦不可賤

君子舞象小人擊壤卜化使然又何足賞

咏懷

魏阮籍

焉得松喬熙神太素逍遙區外登我年祚

侍宴

晉張華

聽朝有暇延命羣臣冠蓋雲集尊俎星陳

冬至皇太子會詩

王讚

玄陰受謝青陽啓號氣以升新光以永照

上巳會天淵池

潘尼

青春暮月六氣和理律應姑洗日惟元巳谷風散凝微
陽戒始春服既成明靈降止

藹藹疏圃載繁載榮澹澹天池載淥載清

於王侍中座上賦

孫楚

顯允君子時推英劭玄貂左移華蟬增耀

荅陸機

顧祕

恢恢太素萬物初裁在昔哲父觀衆濟時

侍宴曜武堂

牽秀

沐浴洪流飲服清芳將結微根求晞朝陽恭承寵渥庶
無怠荒

採菊詩

袁宏

息足迴阿圖坐長林披榛即澗藉草依陰

詩

陶琬之

我服既暉我駟既閑揚鑣警路哀籥清綿

三日臨水

徐廣

溫哉今日爰豫爰遊與言命駕寄歡迴流

釋奠詩

宋何承天

黃中宣朗徽音播越祗事昧且修禮明發伊何悅
學崇儒願言西雍延想沂洙

荅王儉

齊徐孝嗣

四言詩 卷十五 百六
書帷停月琴袖承颺流芳幽谷解佩明椒去德滋永懷
德滋深行雲傳想歸鴻寄音

訶詰四大門詩

齊王融

迅矣百齡綿茲六入出沒昏疑興居愛習惚惚予求營
營爾給匪德曰歸唯殃斯集貪人敗類無厭自及昭回
不希玄墟何泣


在家男女惡門詩

在磨則磷玉生唯堅雖居必徙豈曰能賢冰開春日蘭
敗秋年天教斯類及習情迂命符三牖生偕十纏茲焉
遂住憂畏方延

釋奠詩

北魏李諧

沛澤南朝峒山北面帝曰師氏陳牲委奠神具醉止薄
言嘉宴



詩經

不亦玄地何流

在家男女惡門詩

言嘉宴

祇戰南臆剛山北面帝曰福丸刺其委莫輔具賴

遂仕鞞莫詩

北騷李詩

